

悟
門
詩
話

梧門詩話

詩龕居士法式善編

熊尚書賜履為諸生時遊學汝鄉張澄湖一見異之延至家禮
遇甚厚熊後自京寄詩云朱雞湖裏晚行舟兩岸蘆花一色秋
人在塵中牢着眼風吹江上懶梳頭敲棋玩月頻開興沽酒烹
魚散愁憶昔交遊貧且賤至今回首鳳皇洲

庚寅夏僧了然自江南來寓天津言休咎頗驗武進錢伯垌訪
之不值見辟上題白有曰一句兩度訪丈公怪底聞空見亦空
此即吾師親說法不相逢處已相逢不知了然見之當下何轉
語

昭文景秋浦美侍父於西寧觀察任父為讐家拊陷將及於難
美求解不獲投螺殞命讐始懼而悔父得安於官曾見其眉娘

詞二首云洛下曾聞唱竹枝眉娘又見好新詩劇憐憔悴江東
客不是尋春杜牧之一曲紅綃不記名遠山眉翠想含顰桃花
細雨江村路為爾聞吟獨悵神又驢山諸咏云犬牙千里盡
王封一笑回頭便舉烽覽古不銷離秦恨壓孤妖讖滅周宗蓮
菜初日照神山徐福求仙去不還剩有橋陵冠劍在黃金龜雁
出人間天開繡嶺接咸陽古木陰森落日光舊是居王遊讌地
長生遺址總荒涼霓裳歌舞繁華指授分明出內家高閣朝
元何處是空由法曲按紅牙百折渠通渭水頭開元遺事已千
秋斜陽立馬徘徊過鳴咽泉聲出御溝殆古之傷心人歟眉娘
不知何許人壩頭旅舍有題詩秋浦見之有感而作其原詩
云燕子江村路未遑桃花細雨石闌橋春來何處添惆悵紅袖
長拈碧玉簫

昌平城東北十八里有劉娘墳明武帝所納宣府樂工楊勝妻也江彬錢寧輩以母事之從幸揚州彬等欲選廢女寡婦供奉以姬諫而止歸京師居豹房寵冠一時然終帝世無位歸其卒當在世宗時紀傳莫考乾隆戊辰盜掘姬墓多獲珍寶縣官捕烏雅陰吳山夫作長歌記其事程魚門編脩亦有和章其畧云康陵石馬嘶寒綠兒唱秋來墳夜來曲松隴紅門守衛嚴魚燈哭泉臺燭別有荒祠卧斷碑居人指點說劉娘蔥茝二百年未事誰念承恩視道時武皇外傳稽前史火照離宮中夜起作使惟稱江令家輕蹇徑度桑乾水宣府繇華舊檀名朱樓夢而不勝情君王半醉山村酒小部催傳樂伎名篇長不能全憶按村酒白係用武宗本詩野花偏有艷村酒醉人多語也侯竹愚坤無為州人五言如不寐云目華不出樹湖水欲成煙

泉落不知處隨風響到門一身觀劍影萬事入難聲三元洞云
山落息無地江飛欲捲樓夏夜僧院觀荷云清影鵲相對淡香
水不知七言如眼底文章皆雪水花間觴酒忘桑田煙寺塔如
無地著遠江樹欲與天浮雞埭到楓各千意車馬填街同一聲
等句並時佳妙

羅兩峰嘗誦金壽門老馬詩曰百戰場中數箭痕悲涼老馬憶
桑乾而今衰草斜陽裏只作牛羊一例看嘆其上絕壽門性偏
強不諧俗嘗手寫詩數百篇刊之甫印三十部遽毀其槧沉於
河故流傳絕少云

桂未谷韻曲阜人庚戌進士刊有東萊草一卷其題騎驢圖云
風雪灑橋來詩成大快意莫遇呂微之窮我說驢事紀有風趣
自注云陳剛中策蹇過嶽之因互論驢故事剛中至四十餘事

而止徽之多記三十餘事：見陶南村輟耕錄其他佳句如歲暮云讀書未了頭先白作官無成債苦多別萊州故人云住一年來如故里別諸君去久他鄉還長山官舍云束髮而遊都是夢除官以外更無家皆不作軟熟語

翁覃溪先生題劉松嵐詩卷後二詩云仲則云亡蘭雪病居才二子欲兼之前年愧我新城宿邈爾昆陵弔墓詩自注云劉曾買舟至昆陵展仲則墓而余自濟南往青州欲拜漁洋墓未果而故云

胡印渚祭酒詩才敏復乙卯夏與余同事太學一日在藝倫堂試士判牘畢諸生尚未納卷印渚揮毫洒墨和余示士詩四章俊快不減坡谷翼日朱藥齋孝廉以望嶽樓圖乞余詩印渚先有題詞亦適興書也詩云平鋪雲海掃芙蓉排闥青來面：蓬

百尺樓頭峯卅六此中真合卧元龍古道西風落照間鈴聲替
戾不曾聞與君十載聯吟處破帽飛驢望嶧山莫道長安不易
居紛紛經義大春如惟餘一事苦相憶黃萊何邨伴著書蜀齋
新著經解故宋章云然又於冊尾題二詩云我家蔡小城之北
數點秋山不礙牆行到石橋西畔去禁篁深處讀書堂長安久
客憶吾廬比見君廬是小巫今日與君齊大小幾人能住畫中
無不做思力自然超妙

何蘭士于琉璃廠蚡墨林見納蘭良明詩翰一冊愛其筆墨清
脫買置几案因治亭侍郎贈白山詩藉余送選然其人則無可
考紙尾小印有端然二字詩中有懷王徵士梅澣一章當是乾
隆初年人杭大宗詞科掌錄峻德條後附載王藻城南看花賦
一時名派納蘭氏則居其三意必是良明也錄其二首尋

刺梅園云散步城南路惟聞暮鳥喧更從葭葦岸一問刺梅園
處苔鋪暹家水到門悠然塵外趣燈火近黃昏夏夜憶詢
水村云清風起蘭末明月鑑華軒獨倚北牕坐忽憶東皋村斜
陽山下麓芳草到柴門何限滄州趣悠然誰與言有野徑疎花
之致亦鐵君石閣一流

張問水字賓陽楚北詩人也初順國督學記其小詩嫣然有致
橋上云天寒雲暗石城邊送別橋頭各黯然共倚西風愁不定
蘆花如雪滿前川

錢南園通泰詩多雄伉之音古體尤擅場致於京邸其手迹零
落殆盡近見其^某群數章脩錄之江南送客云楊柳西風起暮濤
獨將鞍馬去江皋燕臺客到黃花滿楚澤書迴白雁高善藥得
憐潯潯繞繁聲新度舊輪袍駕鳥水湖多明月知有愁心憶大

刀客思云客思更闌一倍多起看明月下涼河大江穠事經秋
穩絕徽軍書抵夜過捕鯉久違供夕膳新鯨誰與荷霜戈處幽
莫遂同山鬼薜荔空披帶女蘿望北邙云隴尾西來勢幾何北
邙猶界洛州過偃師城下曉雲冷扣馬祠前春草多彌望可勝
愁白骨自注唐人詩白
骨多于城下土剗除何以障黃河五噫處士之東後但
有荒林牧豎歌元日登偃師城云獨上孤城眺洛京異鄉新歲
喜春融輕水齊下三州水修樹遙連二室風商色到今餘細麦
宋陵鎮夕轉孤蓬杜三年不與椒監薦却見天南返塞鴻病起同
李太西郊閒步云行樂城西步驟長連山豔、海茫、深海孤
鷺窺清水高樹屏鴉噪夕陽老圓冰稀憐不摘殘僧芋熟許分
嘗何堪吹鬢西風緊踏破新煙過芟塘午睡云午睡嘗勝焚不
分聚行屋角又斜暉官壕馬曳城過練村舍牛屯樹底雲當戶

已叨諸弟力操春並覺家裏勤殘軀懶惕荒文史那遣鞭鸞舊
侶聞送彭南池云廣陵寧門外而連天滅孤踪又去燕誰識
退之真怪物可應方林是羶仙驛槐偕與長途蔭林竹尋將舊
銹煙垂淚若逢蘇林黨道予官况亦堪憐南園小楷書通勒古
體文亦奇與今如晨星敗葉矣

羅兩峰畫得唐宋人法老年顏放多不經意之作且多其門弟
子偽託然其所可傳者自在詩亦如之近於蘇齋見其小詩如
秋池云板橋紅冷夕陽明荷芰香消水淺清粘岸枯萍深一尺
寒龜曳尾曝秋晴韓侯臺即目云艇子衝波去後來荒蘆一桁
古城隈寂無併游繞人見獨上韓侯舊釣臺破壁顏標照晚晴
碧花紅穗俯潭清秋風幾日欺人老無賴靖蜒翅有聲皆紙裘
生一派冬心見之當亦增雙眼明也

張水渥通判名道渡浮山人入蜀携余詩龔圖而去邇年客自
蜀中來乃將圖呈水渥題二詩于幀一別金臺萬里餘晨星落
落感離居不知近日詩龔外更有何人敢墜驢感君索句意
纏綿珍重蜀中已半年一幅青山仍寄去累他陪我上青天味
之頗有逸趣知其狂態不減曩昔徐明齋孝廉亦題一詩云家
住梁溪楊柳村竹籬漱雨約開尊桃花岸口鴛鴦水一夜春潮
綠上門風調絕佳

全椒吳嘉字山尊泰端崖司業丁酉所拔士司業屢向余稱其
才壬子治亭典江南試獲僖遊京師士大夫皆優禮之山尊晚
晚世善持議論口如懸河工駢體文操筆立就哀艷感人贈余
一扇皆五言舊作因錄之因居有懷云一雨一庭陰柴門掩任
深故人似遠月溼霧隔重林草積芳先歇鴻飛響易沉小樓閒

獨倚未厭寒侵車中云車中寒寢已覺物望中新遠霧白於
水初陽低近人馬蹄悅平坂吾意感勞薪官柳如相識依然送
去歷出都懷朱習之云相依非不久小別亦傷神對我無凡語
如君能幾人千秋疾名歿萬里為家負此夕平生志燈前只自
陳秋行莫望云一徑入蒼色幾家橫翠微人尋稻香去鳥傍炊
烟歸野樹足秋意鄉心懸落暉濛：北樵路山下有荆扉題畫
梅云繞屋槎桮影月明曾見未夢中騎白鶴涼夜踏莓苔香海
三千里歸颿何日開平生冰雪意一見一徘徊清微孤峭增人
幾許淒楚不減船行巫峽時也

李戴國大令詩逸致出塵甲寅春邂逅津門余與覃溪先生吳
銘茶學士同時危 驛戴國出海門集屬勸余家愛其連州江
口云峽中霧重天沉：千山萬山嵐氣深雨昏風緊行不得鵬

鵲啼徹芭蕉林英德道中云須陽峽口烟初暝彈子磯邊雨半
斜竹雞格磔啼不散西風吹落山茶花暗古峭天趣藪園補博
士弟子舉京兆試皆出臯溪先生門先生極賞之題一詩于集
後有身生海門自名集近與鮑皋思並時時和不識賦役繁數
春殘雖自料理觀此知不同俗吏所為矣

杭大宗自謂吾經學不如吳東壁史學不如金澍山詩學不如
厲燕榭齊次風侍郎時愛杭作浣博常集蘇詩及大宗句為一
卷戲題曰蘇杭雜質餘姚黃準論詩絕句云安世胸中三篋書
贈詞提給決瀾渠當年論緒曾恭座經史詩皆說不如燕師一
誤謫千年差比稱蘇仙佛兼小卷短書齊禮侍蘇杭雜質手題
籤蓋謂此也

曹六圃居魏塘之瓶山山有佛宇鍵戶著三十年所坐木榻穿

梧門詩話卷十二

詩龕居士法式善編

桐城閔秀多能詩者張文端淑配姚夫人朱字時咏繡毬花有句云綠髯團團到白頭後夫婦偕老優游林下者十年詩為之兆也其咏新月一聯云玉梳深入疑水鏡乍聞橐自然入妙女適姚氏亦秉母教曾咏杜鵑云到來每不過三月聽去偏多在五更

閔秀鄭端字昭和河南夏邑人知詩有潔癖嘗答人云不潔而常存固不如潔而速朽適許石泉編修年三十四卒臨終有白云散花天已笑來避未畢其詞而沒後見焚於石泉曰散花天之約可遂矣未幾石泉亦卒

桑水部

詞元

買得元人百家詩後黏小牋題云典及琴書事可知

又從案上檢元詩先人手澤飄零盡世族生涯落拓悲此去難
林求易得他年鄴架借應痴不知長別無由見珍重寒閨伴我
時丁巳又九月九日厨下乏米手檢元人百家詩付賣以供贖
粥之費手不忍釋因賦一律媿之陳氏坤維題蓋故家才婦以
貧鬻書者皆不知其里居頗求屬棋榭有和詩載集中

梁溪女子余碧喜作六言小詩後以苦吟咯五年十八而已其
父貴人痛其夭折舉篋中殘編賸墨拉襍燒之世僅傳其山塘
雨霽詩云夢裡綠陰幽草鏡中春水人家一夜江南絲雨滿城
開遍桃花錫山道中曉行云密樹陰中小艇亂山缺處孤城簾
外曉鶯初轉柳梢殘月猶明墨濤閣夜坐云雨過山星淺黛雲
來松起長濤清簟踈簾看奕碧天涼月吹簫鏘閣香簾秋水枕
面紅淚春水夜半夢四人背竹間一點寒燈梅花下偶成云曉

樹垂：滴露遶拳隱：栖樓霞幽夢不離鶴選前身合是梅花
秋夜云清瑟敲殘曉夢疎鐘撞那碎愁梧葉淒涼辭樹虫聲作
意鳴秋幽奇靚豔非鬼非仙

岳大將軍

琪璚

夫人高氏素嫺武畧兼工詩其兩中有芙蓉得句

云相對莫愁秋寂寞一生顏色不傷春不得尋常中國語

蘭陵閑秀王采薇

琪璚

孫淵如觀察之室著長雉閣詩集幽香冷

豔合長吉飛卿為一手真閑閣奇才也嘗見其手書古詩四首

此靈曲云宮槐曉：向青曙蠹粉梁空燕無主玉篴不動踏堂

塵簾底菱花學局語蟬絲帳細虫織成秋簾夜碧啼潛英翻：

小坡隨席幅跡：哀梧作願聲華清曲云玉魚如水冷犀窗雪

色靈禽作仙使石扇龍環守別魂不似磬宮散千里蓬萊山高

無落紅釵盒夜泣翡翠空雨零石礎荒夫草網暗宮門縊虫出

梧桐詩話卷十二

蘭芝曲云啼鬟垂雲粉黃落夜半嚴粧起幽閣已分單棲似白
勞劇憐薄命逢姑惡紅桐掩墳秋骨灰阿母淚落心當灰莫為
怨魂隨波去合化幽魂伏織來秋胡曲云珂聲瑞：踏春疾立
處蘭風下林末柔柔落辟弱不收花類流紅射朝日水熱夜斷
不願金要淚自墮因著替倉庫少婦能銷妬盤石男兒不鎮心
雖長介生錦囊佳句何以過之測如贈句云眉痕祇覺瘦未濃
指爪多從病後長光景可想年未三十而沒後于此上致寄外
八絕自言尸解仙去居切利宮掌上界書籍三百架慧業文人
定生天上其信然耶張子白云尚有春夜寄洲如詩云滿院露
光圓作雨四山花影下如潮奇艷欲仙微乎微矣

錢恭人浣青

孟

知崔粵亭太守

龍

室學士雲客之母錢大敏公女

也素以詩名士大夫多推稱之尤為錢興沙袁子才二公所許

錢題詩云尚書朝罷袖烟清侍硯朝；立小檻笑取生花一管
筆傳將嬌女作門生西溪瘦立影橫斜重傍疎枝小住家即種
甘棠免視草修來福命暎梅花來題詩云尺五真疑戴皂紗風
裁不似女兒家也曰氣得江山助箸徧秦關蜀嶺花已隨夫壻
館銀黃更見佳兒步玉堂天為佳人破常例清才濃福兩無妨
蔡人詩如兩夜不寐云客思亂無着秋光喚不醒蛩吟淒夜永
雁字落空汀峽束江聲急燈含雨氣青十年游子淚付與嶺聽
猿聽舟行即事云輕舟一瞬去無涯浪捲風湍走電車滿目嵐
光青未了乳雲缺處有人家路轉溪橋挂夕陽平田漠漠水泱
泱綠荷已飯提筐去蝦菜秋風似故鄉皆佳製也

夢亭官秦中分校入闈院青贈以詩云當日覓裳宴曲池亭；
三三少年時而今冷落閒脂粉也向西風學畫眉夢亭弱冠成

進士詩故云

俞淞貞字守貞號蘭谷久號冰壺女史江南嘉定人嚴時室善畫花卉著有猗園草山居過雨一章余刪作短篇則王孟絕調也詩云空山雨欲來涼風先入戶遠樹迷空烟遙山似沈霧天低水氣寒日陰雲影護山泉忽下來林杪飛瀑布蟋蟀止復鳴沅螢濕不度江南曲云儂家住江南江南何所有孤棹白蘋洲春風種楊柳亦有唐人餘韻

閨秀趙翠年戒酒句云聖賢無限安心法酌盡醇醪或未如似學道人語

武林方夫人芳佩字芷齋滁山秀才德汪又新中丞新之室少

受詩法於翁露堂徵君能為擘窠大書骨力道勁在璞堂吟稿皆未字前作齋堂董浦所手訂也氣格清醇無閨闈氣名媛中

一大作手如偶至小園云韶光偏到野人家數點尋巢乳燕斜
芳事闕心清夢短夜來風雨瘦梨花冬日山居云折竹聲鏐不
耐聽曉來袖手對雲屏尋梅欲問春消息寒勒花梢動凍未醒
咏鉅焉云剪鉅為形骨相寒常依稚子博悲歡偶然得藉東風
力却要有人仰而看夏日即事云細_字幽花繞砌栽筠床石磴絕
纖埃揮毫欲寫新詩白拘取蓮房洗硯來

虛白隨官江右時廣昌有黃玉潤玉蘊兩閨秀皆能詩與虛白
相唱和玉潤嘗有句云提甕少君空有志微裘季子更無聊和
虛白消夏詩詠目云牛喘疑朝旭烏栖不夜飛詠雨云斷雲開
碧落斜目挂高枝玉蘊少寡有句云空兼南山藏霧豹誰憐東
海有冤禽寄虛白云歸去山莊梅正放暗香疎影伴無聊又詩
詩云千條楊柳結愁新滿地梨花又暮春無那痴心妬明月等

閨常得伴佳人

趙表夢殿撰熊詔配陸恭人武進世族有淑德工吟咏趙年十五以五經補生員三十七歲始舉京兆試又十年成進士先生姊若弟皆先報科第先生獨不遇恭人常慰其失意云天香不是尋常種莫怨東皇花信遲贈公車云縹緲一鞭遙指屬杏花蕊發正當期既而竟魁天下能於惓惓無聊中不失和平之旨宜其言之卒驗

楊恭人名鳳姝雲間人所著有蘋香女史集如南軒賞菊云小軒暮色幽篁几列明燭茶烹嫩芽開酒釀黃花熟黃花時正放數朵香滿屋酒味宛如花茶淡甚於菊玩賞忘宵分范鼎卧蒼綠思致清婉有林下風

山右閨秀陽曲張氏一門最盛學典句燕尋新畫壘春到舊簾

槐蘭燭背人風自落枕邊斜墮玉釵聲學聖白杉松半簾日桃
柳一溪烟花縣雨晴新燕語柳營風暝早鶯啼學賢句池滿雨
初過春殘花徧開學雅句半庭黃葉日初曛蝴蝶一雙飛鏡臺
皆有致

王汝璵字瑤娟三韓人高司馬木菴室好鼓琴喜為詩其花港
觀魚七絕云滿堤蓮影亂斜陽一曲溪流映靚粧無數游鱗忽
驚散又隨落瓣吸餘香為時傳誦

蘭陵蔣氏多才女洪稚存蔣氏出也言其從母適王氏者隨宜
四川思鄉頗切臨卒寄里中弟兄八篇末句云水濱菰米亦名
蔣擲筆而絕其家書作駢體一篇六極淒婉載蔣舍人紹孟寒
塘詩話中

女史莊燾字磐山徐香沙學博祖鑒繼室也徐適三十始歸徐

刺剪水山房詩王夢樓侍讀序之如苔階積潤埋花細籬逕停
陰滴雨踈幽砌落花秋蝶靜孤村細雨午鷄鳴皆恬適之音

駕湖女史朱泚德翰林履端女孫也適湖北按察使成虛齋

升汝

為詩有家數清明云晚起新烟處生絲楊枝上聽啼鶯踏青
紅粉知多少祇向桃花深處行齊地金鳬漾縷微無聊獨自理
琴徽寒花簾外春風度紅棟時棟白棟飛水中懷吳門徐表妹
云等閒花月足清談論到心知只二三烟外有湖樓外水秋風
秋雨憶江南

吳靜字定生勵堂秀才女也年十八嫁項生肇基三年而寡欲
自經姑力諭之乃止二年姑亡復自經叔母救之得免未幾卒
生平好觀資治通鑑臨歿時題所為詩題曰飲冰集內咏史
詩居多讀鑑云直接麟經聖筆修紫陽書法果無儔號歸漢

室姦雄斥帝在房州公論由徵士特標元亮節大夫卿係子雲
羞整襟讀嚴凭欄坐始信真偽學識優自題集後云風花雪月
非吾事困苦艱難是我詩一辨清香何所得敢諱真率不諱奇
四載孤燈慘似懷驚心怯膽命如鷄從今絕筆無由惡不作人
間烏夜啼其志亦可悲矣

竹亭夫人為鐵冶亭侍郎室憶庚戌余同冶亭于役灤陽見夫
人寄外家書內附烏絲闌小詩一冊如秋日云幾陣黃花雨當
堦擁落紅開簾見秋色多在月明中立秋夜雨云急雨連宵送
曉寒池塘庭院水淥淥秋風吹老槐花色一夜新涼露未乾又
句云幾縷斷霞山外雨半廊疎影月中花此詩品神出古異淡
不可收者庶幾似之

王鐵夫號早歲稱詩累躋場屋偶來輩下一時公卿大夫重其

才武與訂交考慮願疎放自喜視位如泊如也辛亥春劉石菴
督學幕中石菴既為書榜如山房額及榜如經第一偶又為鐵
夫室人曾墨琴負秀書馮韻軒額及沉香山子賦鐵夫既合
一卷題四詩於後云戰院沉：畫鼓停硯池新月點疎星相公
自試高麗墨午夜明燈佛經詩人老去慵：在甲秀題籤見吉
光乞取簪花偏不肯白蜡古賦馮沉香馮韻軒中月已斜倡酬
仙舫白仙家多緣未是維摩室不散天華散墨華公今老矣日
蕭疎我亦蕭疎較甚初公不還山吾不第供人需索日臨書墨
琴亦題詩云曾將幼健許無塵花蕊宮詞跋尾新濃墨重：題
不了祇慚未是管夫人詠絮著花蕊未工白家松雪亦難同侍
書聞有青琴在已到波瀾莫二中綠牕小坐談焚香楷法同參
把玩長嗟好未能真個好錯教人怨十三行櫻桃小館煮茶烟

寫韻題軒筆似椽自比影鸞生命好不書唐韻也須傳蓋相國
有侍姬善學公書每：泥真故鐵夫有鶯：之白墨琴所云青
琴亦指此也相國又嘗言婦人好愛好不宜寫十三行故詩中
並及之

余又於石琢堂齋中見鐵琴合璧一冊墨琴詩如雨岬菰花迷
驛路一林楓葉帶秋聲漁網迴塘人語亂酒旗深巷燕交飛皆
有句法琢堂題白云秋燈如豆雨聲疎重展文園舊著書交友
不交楊得意漢廷誰解薦相如似似水交情久不疎鴻來頻帶
塞垣書劉綱夫婦神仙侶正恐鷗波未必如鐵夫和云月自孤
清雨自疎懷君月下與君書吾今落拓君滿酒人海中流雨自
如未覺孫陽相馬疎漢廷爭誦萬言書依然共喫桃花粥比港
甘泉我亦如墨琴小楷甚工鐵夫嘗有白云墨琴終日馮蘭亭

小楷能書博塔銘朝士商量爭購取冷金裝界玉螭屏蓋紀實也

龍溪李太君仲姬著二如居集植竹示子云虛心能破石轉眼已凌雲後子誠成進士官刑部主事亦有詩名

曹淋人紅藕花殘風信急碧梧葉落雨聲寒黃孺人芳草綠波人別後小樓紅雨燕來初程孺人別母家云杏子紅衫染淚多洒窓花影月娉娉同一風致曹為習菴學士室黃為芳亭數孝廉室程為孝廉母皆江南同時人

女史靜庵秋浦太史女十歲能詩嫁二年而死時年十九月畚郊詩云近郭孤村又早春柳絲如剪草如茵柴門一帶臨流水無主碧桃花笑人柳枝詞絕筆云烟暗長堤翠染磯沿河草瘦雨霏微東風一夜吹春去那許楊花不亂飛

橫波女史顧眉生畫桃花楊柳一艷軸自題云卽道花紅如妾面妾言柳綠似郎衣何時得作鸛、鳥拂葉穿花一處飛後署士申社日味其語似未歸合肥時作也王鐵夫之墨琴女史題云畫裡情深緩、歸花如人面尚依稀異時真化鸛、鳥却向桃花源外飛

徐太夫人開封司馬許渭荷佩母錢塘徐清獻公女名德音熟精文選老年猶日閱（示）書有白云湖來初拍岸雲起忽遮樓鮑謝遺音不圓於樽香詠絮中得之尤為奇絕

廣陵女史楊曉憐精於繪事設色寓生絕似甌香館手筆詩亦工雅如秋日過倚虹園云雁聲壓水蘋花瘦蟾影窺香桂露濃吊玉鈎斜云殿脚簾華從古少宮腰消瘦此中多云並清婉可誦

錢塘陳秋牧

長句

山先生女孫也適德清葉琴柯太史

姑所著

繪屏閣詩集從容大雅渡江云清湧金焦山作柱地分吳楚海

為屏弗津渡濟河云望裏三峯皆向北尊前九曲自西來春

園偶賦云樓外軟風聞楚暖離邊疎雨蝶衣涼泗川舟次云雲

外鐘聲梵口渡雨中燈影洞庭船黃陵廟云花深紺殿飛胡蝶

月冷青山叫鷓鴣登岳陽樓云帆來遠浦春潮外人在重樓暮

雨中懷姊云惜別每嗟人異雁重逢應待水如螺閨中夜坐云

茗碗潤添蘭葉露金鈴低語柳絲風寄小姑云藏鉤暖泛梨花

酒聽雨寒生杏子羅並極工麗

女史鮑皖芳

之

陳逸仙恭人長女詩筆秀整題寶蓮庵云塵心

臨澗洗清磬隔林飛華陽道中云人爭青鳥上徑畏白雲封凌

雲亭云驚頻雲移天墜斷海門濤疊石樓空落葉云閒窓月淡

微西影永夜燈青聽有聲次妹之字蓮香詩人張舸齋室登韻

光寺云陰崖舍雨氣疎磬落天風湖樓云磬散看山遠窗依近

水寒探梅云蕊褪連朝凍禽窺向午枝懷兄云惜別驚春早看

雲怪雁遲坐雨云窗潤生虛白山低歛暮青西湖泛舟云柳邊

朱檻綠湖曲沙際青燕拖郎臂七夕立秋云人間一葉驚飛早

河畔雙星待渡遲良會却當初夜永輕裾可怯乍涼時王夢樓

嘗稱蓮香詩律工細過於其兄季妹之字浣雲適孝廉徐喬生

暮春懷論山兄云花飛草長又今年觸處魂消送別天認得菓

婦惟舊燕催將人去是啼鵲攀崖募葛高於樹得水浮萍碧似

蓮真道韶華三月過殷春金帶舊春妍又寄兄云知名終不慚

前輩立脚還應鑑後來俱不類巾幗語姪女淑字蘭舟適諸生

余根嘗見其送弟野雲入都五古一首真摯蒼涼居然作手因

篇長不能備錄閨幃風雅其盛如此並嘆海門山人之流澤長也

女史徐瑤仙江陰人能詩獨坐云隔院鶯啼清晝永雨中花落暮寒深故似南宋人佳句

近來詩龔滋惕甫墨琴夫婦墨蹟甚多一日吳蘭雪止宿齋中見墨琴十三行臨本甚愛重因以為贈蘭雪翌日持令妹菊人所繪秋芳圖見酬題四絕句云吾家孀妹亦工文生小閨中說左芬閒對鏡花臨粉本一枝斑管雲生雲淺碧輕紅襯折枝沉思全在吮毫時生綃一春同芳榭題滿蘭兄蕙嫂詩故園秋色畫園中恰認羅邊最小叢閒便畧遲花更好不將榮悴問春風洛神墨妙貯綃囊鴻影初驚鶴未翔却與詩龔添本事一叢花換十三行余因以示惕甫墨琴見之亦題一詩云豈非抵鵲

問塗鴉收帚千金事太賒誰道凍蠅書一幅化成天女手中花
萬秀英字玉貞長洲人秦澹園琴側室也年十九而沒澹園憐
其才為刻澹香樓詩二卷詩云窗前花氣透輕紗妝嚴凭闌心
事賒昨夜夢迴何處覓分明春在海棠紗花剪翠秋波珠淚滴
斷紅雙臉髻雲斜春風暗褪茶蘼半蝶映無情尚殉花替飛鴛
帳別魂消鏡裡雙蛾懶去描十二闌干誰倚遍鶯聲啼碎落花
嬌日高花影疊珠簾新恨還將舊恨兼寫鏡不知藏色相病容
延上小眉尖

白曲女史駱綺蘭號佩香詩才情極富為近年江左閨秀領袖
余於謝薌泉侍御筵頭見其自寫小游仙詩云誰懸明鏡畫樓
前一片清光萬古圓不是姮娥拚獨處何人領袖廣寒天瑤臺
女伴笑聲誰同赴金池阿母家傳道東華祇過從一時相避入

桃花虛皇欲御袞龍袍半戴天孫機杼勞特勅來年銀漢水比
教往日淺三萬瓊宮帝女好年華學繡初飛絲線斜偶弄吐絨
紅一點人閒閑作半年花並極新顏其第一首則儼然自寓照
也

吳門閨秀吳婉蘭字佩芳自號秋塘居士其父德基為海州訓
導故江南著名士也婉蘭年十八適王氏早寡以賢行稱於
族黨有至節詩云翠匣新奩開百福紅搖殘燭滅雙銀頗見工
秀

吳蘭雪序離江遺草云桂林陳氏瑩英字端文相國文恭公女
明豔能詩兼工小楷所適非耦屏居一室日在藥烟書卷中年
甫逾笄鬱死今錄其前若干首咽泉零雨清響彌哀秋士讀
之益有餘恫秋夜云小雨初過晚更晴碧天如洗嫩清源生花

陰露重秋山薄自倚闌干愛月明遺恨詞末一首云他生未卜
更何如草：浮生廿載餘胸臆思量無別物未成詩稿讀殘書
可以想其為人中秋白云生怕圓後來夜減盡將詩向此宵題
亦有風致蘭雪室人劉蕙風題詞云花雨霏紅上鏡臺傷心麗
白更誰裁綠衣不共春暉暖分化羅浮缺蝶來爐烟藥裏太淒
清甘共梅花過一生命是春水才似綺怪：誤汝為聰明自鈔
唐韻坐詩窠見說簪花字體嬌中帳繡襦天上謫綠鸞何福嫁
欠蕭黃絹傳來絕妙詞墨雲慘淡沉塵絲離江一味無情綠斑
竹年：淚滿枝蘭雪季妹菊人題詞云錦樣詩篇玉樣人頌椒
吟絮結酸辛丹山有鳳同飄泊從此桐花不負春謂錢塘誰將
片石補情天生在蘭閨亦枉然第一傷心風雨夜好花未放月
初圓

吳若雲嘉定秀才勤光之女自號瓊華女史及妹鳳儀俱能詩
若雲尤佳適寶山毛大灝有妹二人柔儀淑儀亦有才思若雲
著海上小遊仙詞十四首柔儀題其後云丹書金札馮遊仙譜
就中稍位業篇三十六峯來往契雲璈依奏閨風藉淑儀云釵
痕綰卷譜瑤京記向蓬萊閱淺清涼天一月環珮冷待兒解唱
步虛聲若雲工五古題畫云煙霧開層嶺秋空正蕭瑟蒼山
色幽鬱松陰廣石磴寂無人白雲自來往對月云開軒涼月
佳幽韻獨參頌流螢入疎簾風露下金井天空林籟微萬象散
寒影虛牖既閑寂寥竹色復閑靜慮淡神彌清心閒俗自屏宵
分猶未眠斷續爐烟冷又如獨樹迎殘照歸禽點暮烟帆開揚
子人千里夢落秦淮月萬家皆集中高唱

錢塘龔雨卿潤陳雲伯孝廉之室也春日句云綠齊芳草蛙爭

語紅過桃花燕學飛詠牡丹云傍人莫訴開偏晚領袖春風要
此花蟋蟀云一函便批將軍蠟半辟曾編宰相經春遊云二月
鶯聲三月柳一湖春水半湖花湖舫云玲瓏花柳當牕過金碧
樓臺倚鏡看送弟之粵云此去江山多古跡終軍陸賈盡奇才
偶成云夜燈詩卷繡初白春雨湖山吊小青冬夜云暖閣裏成
燈火密寒衣製就剪刀閒並莊韻雅可誦而卿為詩人素山女
弟才華極相似如今暉之於明遠也而卿妹雪君涵亦能詩也
有句云經霜葉似將啼客著而花如薄命人出語不佯年未三
十而歿

湘花女史周氏徽州人姿性明麗歸山左詩人劉松嵐

大為 鑑

室吳蘭雪贈以字曰湘花潘榕皋農部

與

為畫蘭代照蘭雪詠

其事傳誦於時湘花因續蘭雪夫嬾石溪看花詩相報江以南

詠題甚衆瘦吟樓女士題六詩云散向婵娟說報遲新詞傳唱
過當時美人解得才人意不繡名花蕭繡好詩一篇脫手萬花
飛絕代才名似此稀親見玉人挑錦字睽他傳鐵上弓衣墨雲
濃潑繡生華想見歌針倚碧紗說與詩人供養法一甌清茗一
枝花花枝搖漾石溪清便好聯吟一過一生可惜未拈金線繡
儂家新句亦雙聲吳綾半幅白無波消受知君福幾何蘭麝未
灑薰百遍粉痕脂暈著來多小詩散道稱籠紗扶病閨中寫絳
霞添得湖山新故事艷詞繡筆說三家真絕唱也

女士吳縣人氏金名逸字纖：一字儂：瘦吟樓其居也歸陳
竹士秀才基年甫二十餘病歿遺詩四百餘篇哀豔淒響落紙
成秋嘗於蘭雪扇頭見一詩云積水一庭白梨花寒不寒東風
扶病起曉編雕闌干烟明苔漬暈露重林生澗羅袂薄如此撫

琴還一彈不特詩佳書亦簪花格也

癸亥春竹士來京師始得盡讀瘦吟樓全集空靈幽淡美不勝收不止世所傳誦夜涼彈醒水仙花蝴蝶逢秋瘦一分數語也豪宕如愁來天地窄秋老湖山放眼空沉著如家近不歸如夢遠花寒未放識秋遲溫雅如瘦到梅花須有骨倚來修竹更無人清峭如樹頭殘月白墮水清湖曉山青入船皆有凌雲之氣若一：怕將胡蝶數秋風恐是美人魂莫道清才勝頑福命寒于水薄於雲人間那有癡於我病到無聊轉讀書紙樣雖秋秋樣瘦那能禁得水天涼則又其本色矣竹士悼亡白云仙原暫謫白雜往事太傷心淚轉無較玉溪生錦瑟之篇尤為酸

楚

竹士繼室王倩字梅卿山陰人小才女也所著問花樓詩稿筆

力豪放兼工填詞出邵云近村微有月遠水不分雲映山麓云
湖光通夜白山氣一樓青花間草堂云月好剛臨水花多不辨
香按曲園云鸚鵡夢閑深院靜管絃聲急落花多俊逸清新雖
纖：復生心亦未易軒輊

纖：嘗與竹士同夢至一所秋碧如畫樓臺隱烟仿佛有人告
之曰此秋水渡也曰共聯句覺而憶秋水樓臺碧烟近天一句
不解所謂嗣復夢至前境閱十日而卒雲伯賦秋水樓臺篇紀
其事云微波細碎涼烟濃玉鉤雙影低簾櫳白雲如雨蕩空碧
闌干紅濕秋陰中層臺三五樓十二面：雕樑倚寒翠銀紈花
濃蚪蚪書瓊碑苔繡鴛鴦字魚鱗玲瓏次第開蛾眉原是謫仙
才青鸞搖尾紅鸚語認是蓬山舊主來海天攜手同吟詠吹笙
如跨秦臺鳳幾生修到比肩人一枕遊仙亦同夢金碧高寒畫

不如盈、水氣上金鋪乍疑河漢仙靈宅還似瀟湘帝子居仙
家日真幽曠不為人間豈天上此中知更有人無瑤清女伴
勞相望小住塵寰亦復佳蕙臺春雨黯銅街片帆鄧尉迷香雪
尚憶西風水一涯百花仙舫迷雲樹有人昨夜呼儂去依然秋
水碧連天分明前日黃姑渡小摘瓜、廿五年來驚人去玉成
烟仙郎怕說前身事恁然南華第二篇從此天人不相見招魂
欲採芳蘭荐羅衣爭禁十分涼祇應更瘦芙蓉面我聽斯言亦
愴神空將慧業證蘭因瓊樓玉宇無雙地碧海青天第一人佳
節偏教逢七夕榆花露冷銀河白欲將道里問天孫霞宮何處
星妃宅涼影橫空浪作花月中原自有仙槎碧城他日應相訪
滄海西頭第幾家極凌雲御風之致纖、道詩陳雪蘭楊蕊洲
李奴蘭三閨秀為校刊於京師

幼蘭女士名佩金老友李滄雲京兆孫女孫也工於填詞蒙
農部以詞名海內自以為不可及則所詣可知矣詩善寫性靈
而風格適上居然作家常見其秋雁四律云無端燕市起悲歌
帶得商聲入渡河千里歸心隨月遠一年愁思入秋多水邊就
夢雲無影天際驚寒夜有波屈宋風流零落盡那堪重向洞庭
過晚來風雨曉來霜不為悲秋也斷腸蘆葦作花多冷淡鷗鷺
無語亦淒涼途歧容易迷歸路棲穩何如在故鄉一種白頭緣
底事四、祇解覆鴛鴦誰倚高樓一簾橫憑空吹落苦吟聲能
鳴未必真為福有迹多嫌累此生入世豈容增嫩避就人終覺
羽輕越危堦已從品題識字何曾為近名夜庭飛度恨滂、
多恐江南到六難偶聽弓弦驚寤寐久踈殘字報平安第無急
柱停辭鼓琴有哀音未忍彈可奈西風吹別調離群還較此間

寒可謂寄託深遠若蜀中云雲深劍閣春將老夢到蓉城夜未
闌驛柳云春閨別恨風前思故國殘陽笛裏秋秋夜云明月多
情來獨夜西風作意送秋聲皆有骨力

滄雲為四川學使鈕蘭隨其祖母在蜀與趙凌霄女士鳳倡和
女士有巢雲閣詩格力適上如武侯祠云開濟兩朝功伊周
大節同心期恢漢室榮早定隆中帝業傷分鼎臣忠瘁鞠躬星
芒如斗落千古泣英雄泊嘉州云小艇泊嘉州江山四望收九
峰環郡立二水抱城流烟色寒凝樹江聲冷到舟漁歌聞幾疊
清夜意悠々聞鴈云疎雨過汀洲清霜滿客舟一聲闌塞雁喚
起洞庭秋高枕難成夢懷人正倚樓鄉書如可達轉益別離愁
三詩脫盡紉綺之習上閨閣中異才也凌霄丹徒人瀘洲刺史
趙薌湖立女余在滄雲齋頭見其集錄歸補入詩話

琴川女士蔣蓉峯題紅蘭令弟湘芷秀才元婦也始從紅蘭授
詩法近則駿、欲度驛驄前矣吳門春日云綠生短薄祠邊水
紅到長洲苑裡花女工云駕鶴歸片裁香枕蝴蝶春羅製袂衣
春日云湘簾不下東風急閒看雙鬟掃落花皆極清麗半眠之
致

前明吳郡才女葉小鶯工詩早死所著返生香集備載午夢堂
金匱女史楊蕊洲去題其後云瓊雲散影仙姝泣海上桃花幾
回碧十二飛樓弱水西返生香斷何從覓空泊妙句馮鳥絲鏤
雪圓香絕妙詞千古玉臺遺跡在鮑家小賦謝家詩吟邊想像
人如玉林下風清絕塵俗巧掠鳴蟬薄髻青篦描出幽修蛾綠
姊妹聯吟擘彩牋疎香粧閣冶春天芭蕉影裏風如扇萱草梢
頭月乍弦一家詞藻人間罕雙成合作飛瓊伴午寢初回倚綃

林晚粧終試拈花管愛仿官奴寫洛神曾摹周昉畫朝雲綺琴
夜拂銀鈎手金甃朝蟠貝葉文吳江波冷湘娥弔惆悵含顰不
成笑紅縷終聯暢外緣綠章已赴雲間台夜雨燈昏翡翠屏蓮
華輕蹕鳳皇翎三生慧業知重證一枕遊仙怨早醒猊床宵下
真師拜靈姿合受人天戒出世原無不死方忌情且說無生話
懺除綺語竟歸禪穩看凡几品蓮萼向三山談舊事又憐天上
蔡神仙小鸞詩本名疎香閣集以死後所刊故名返生香其後
泐大師受戒六死後事詳見天窠窈聞隨園以小鸞為廣東人
固非褚稼軒以受戒為生前事六未是皆未見午夢堂集也蕊
洲此詩宛轉詳盡可作一篇小傳讀蕊洲為蓉裳農部女學有
家法尤工填詞與纫蘭齊名號楊李云

蕊洲又有小遊仙詩云
月玲瓏照曲墀香桃齊亞合歡枝華

燈夾寧道明珠翠王母令宵嫁侍兒小犂班龍駕一隻軟風徐
引碧油幢不愁路隔銀河水又結犀花作畫艘百頃瓊口接上
青白榆花老易飄零春未却故濃陰少柳宿光中要種星靈氣
往來非復凡境又嘗集古今閨閣詞翰為金箱舊說三十卷綱
羅閱富兼擅別裁洵今日之班左也

沈宛字季婉號蕙如吳興德清人歸金匱楊公子承詩極清麗

嘗見其春感四首云燕歸人病易斜曛春到江南已十分楊柳

綠牽紗幔月海棠紅閣畫樓雲曾回顏證瑤清夢記得親書且

葉文我自鏡臺參妙偈袖羅新換水沉熏水晶簾捲夜明樓風

信爭傳到玉鉤如覺茶烟扶桺綠涼于雲影背花流雪鷗解語

原憑慧青鳥傳書我寄愁濕透紅棉惟有淚濃春如此却悲秋

錢雪栽雲意惘然珍珠密字記華年花陰白月應知幻蘭氣熏

衣欲化烟去玉新為滄海使飛瓊曾拜大羅仙夢回檐角風鈴
語恍聽湘靈五十弦雕管無聲夜漏迷疑眸乍見玉繩位瓊睂
寒重通靈蛤黛帳風輕觸響犀侍浣芙蓉心上露頻拈鷓鴣枝
中題宵長莫更彈清淚又唱花冠碧樹雞一片氤氲不減瘦樓
吟手筆也女兒孟嫺名宜適華亭進士張子白著有紅蘭館詩
草

陳雪蘭女士

仰德

江西新城人玉方比部

希

雪香學士

希

之女弟

也詩工五言極有標格五律如秋夜云階前一葉落簾外已秋
風墜露螢影流星帶竹叢雲侵鄰苑樹焚引故園鴻爽籟延清
賓微涼此夜中落葉云天高風落本地迴日初沉秋氣雲俱薄
寒空月更深棲鴉無定影去雁有遺音判袂人千里蕭條寄遠
心皆格律完整超然遠俗餘若偶成云晴牕晝永渾無事自洗

米芾供白蓮詠梅句云不妨香到人間世寒遶空山暮雪天寒
夜云閒愁萬種借詩遣清福一生隨命來憶雪云有人正憶寒
江棹無句難消薄暝天為吳蘭雪題新田十憶圖云春山都在
柳梢頭影入迴塘翠欲流如此風光不歸去落花芳草替人愁
仙心遠韻秀絕人寰蓉裳農部謂為閨中王孟不虛也

芙蓉館詩吳江女史王晚蘭英著春日句云亂紅作雨隨風落
新綠如雲渡水來晚眺云新月照春水殘雲變晚霞畫樓云闌
干七十二面對春山冬日云梅瓣白成蛺蝶花香聚蜂塞下
曲云瑤弓弦却月古劍血生花偶成云楊柳態如張散騎桃花
艷過息夫人仙意云鳳田春雪栽眉竹鵲帳秋花瘦日蘭採蓮
句云玉腕莫教攀折盡夜深泊取蓋鴛鴦吳門詠古云可憐一
錢城眉月猶照西施響篠廊靈心慧舌足見一斑晚蘭為王蘭

江侍御武祖女隨父宦京師日嘗與楊李諸女士唱和故所詣如

此

江松女史許林風姪姚春木秀才佳偶也嘗見其寄生香館女史一律云相思滿江水歲：望君歸一雁背愁去孤雲帶恨飛夜長秋夢短燈瘦雨聲肥驗取當時別啼痕尚在衣格律渾成洵未易才

一門兄弟皆才世不多覩若姊妹皆才則更少矣近見江右楊氏諸女詩長筠心女史正若白雲閣詩句如感懷云碧殘近壽草紅泣斷腸花而過云芳草猶含淚梧桐不受風驛柳云萬樹樓烏啼日落一聲早雁報秋啼寓懷云枕上淚珠新舊雨愁邊心血往來潮次芸芬女史小若映萱堂詩句如憶梅云冷禁花千樹江聲月一灘即事云窺簾眉影初三月對鏡花枝婦人

李鐵雲女史

則順

著鏤脂軒詩句如晚晴云雨後雲山真萬變晚

來風月定雙清驛柳云江南春早花如雪塞北秋高夜有霜水

仙花云疎香易醒前處夢冷豔難禁雪後天詠絮吟柳一門倡

和可謂極閑閣之盛矣

武林閑秀向推孫碧梧

雲侶

松鶴西女士近又有孫秀芬

玉雲

伯為余誦其秋日湖上云流水小橋人不見一湖秋影白蘋花

冬日云天寒而未成雪幾樹古梅初著花兩押花字並佳

吳門閑秀將采蘩蘋詩人蔣山之妹也有擬宮中曉寒曲云星

娥喚月歸瓊島景陽鍾漏催天曉霏薄霧翦朝霞珠帳殘陰

燕龍腦苑花墜露如新淚碧樹叢入遙翠羅屏半掩鏡中鸞

枕檀幾疊香雲墜珊瑚敲斷玉闌干鸚鵡金籠曉寒冷簾蘭烟

破春夢瓊籤歷歷明星殘低蟬紅玉香堆雪扶起春風入肌骨

柳外朦朧有曉鶯芳魂猶戀桃花月摹仿金荃可云神似其妹
香蘭十二歲詠芭蕉詩有秋聲都向此中來之句洵風慧也

蘭雪孀妹名媛字素雲嫂氏蕙風贈以詩有書味濃於酒花枝
澹似人之句因自號為菊人吟咏之暇喜畫著色花卉筆意殊
秀華友初冬蘭雪北上寓杏花樓燕圖為餞并題云嫩蕊新枝
滋紅情他雙剪拂斜風曲江賜宴花千樹合向樽前憶畫中
蘭雪答云社日終過燕早回濃春著樹錦成堆簪花記奉花前
酒雙剪捎紅拂袖來折枝題贈白童酬倦羽羗池感昔遊十二
年前京國夢賣花聲裡卧詩樓預擬繁枝整帽偏曲江何日醉
瓊筵啼朱重倩吳綾畫十里紅雲到馬前蕙風閨女士題云阿
妹拈毫落綠霞阿兄新句稱龍鈔去時恰似醉巢燕歸日應簪
及第花征騎衝寒雪滿衣畫圖長與駐春暉上林見說春如海

顧學紅衿只並飛同時閨秀並有和作碧雲彭氏儷鴻云左妹

才名擅一時贈行重與畫新詩尚書白裡春無限此是東風第

一枝花邊乳燕語喃喃以幅蘇英二月酣記得儂家分袂日也

將春而畫江南外子丁未入都時有杏花脩月王氏秋玉云馮贈

難兄託意工杏花雙燕語東風謝家柳絮飛成雪不及春雲半

剪紅珠玉香生讀畫餘蜂仙才調本相如曲江宴後歸來日姊

妹花前好著書壬子三月蘭雪客京師蕙風寄詩有不及畫中

雙燕子花開一度一歸來之句蘭雪復題圖後和云新枝和露

買倒回供向銀瓶恰半開忽憶故園寒食節半簾紅雨燕歸來

聽雨依然卧小樓一春詩詩夢澹於秋花開又自分飛日說與

紅襟欲替愁

蘭雪佳偶字蕙風丹徒女史王玳梁王為寫蘭蕙聯芳園中州

女史陳花想為繡作橫幅方丈齋夫人題句有云聞道繡花人
絕世賈絲更繡：花人以想花貌美也玳梁乃王夢樓太守女
孫

李槎仙芹江右臨川人適錢塘監生蔡年二十八而寡矢志
撫孤數十年如一日有聞世絕云兩：哀鴻叫斷烟晚秋時節
蓼花天西風江上無窮恨避戈歸來更可憐讀之凄然子任辛
酉進士官庶常嘉慶七年以節孝旌其門亦足以慰苦節之貞
矣

長洲孟浩軒文輝不知何許人嘗見其晚香樓詩一卷蓋亦故家
才婦也句如秋海棠云睡去不須銀燭照夜深明月傍牆來冬
夜云賓鴻夜析鷺殘夢寒月淒風入破簾偶成云小櫺迎風臨
晉帖月明蝙蝠一隻飛白並幽冷

楊明詩話卷十二

梁溪女冠韻香舊家女善書尤工小楷殘蠅斷楮得者比之曹娥洛神矣亦能詩句如彈琴云明月自秋色孤弦有正聲偶成云寫得金經惟供佛裁將玉版為抄詩憾除綺而思然草消盡凡心不種花皆有泊然塵外之致又有句云福慧雙脩成底事今生無分再生遲則又情餘於詞矣福慧雙脩其所居庵名也湘江女史不知何許人雄縣旅店壁間有題一律云寒生客館掩重闌度盡深宵事閒報喜燈花開易落鐫愁詩草萼難刪半照月影挪起心一枕雖聲旅夢還車馬紛人又動怕臨青鏡照塵顏李湘芝秀才和云行過南關入北關征塵暫洗客初閒稱心花少渾難對紀事詩多未易刪燈火寒宵遊子倦江湖清夢幾人還家憐冷月如冰雪曾照瀟湘玉女顏

上海婦珮珊題史閣部像云六宮爭學舞四鎮自稱兵小病

云畫為無聊卷書多和睡看秋霽云木落空餘山骨瘦風高遙
送雁聲寒慙懷云愁似有憑連夕至燈如無力向人明秋病云
弱骨苦寒隔被早小牕經雨得秋先春盡云綠蕪有意延春色
紅雨無聲送夕陽絕句云添得描金新匣子半藏詩稿半藏花
春遊云水繪河橋淡々春々衫初換兩肩輕並清婉可誦佩珊
李蘋軒秀才之室也

錢塘女子徐菴仙喜作四言詩彈琴云惜々者琴冷々者音一
彈再鼓山高水深冰蟾照指苦調傷心湘簾不卷明月相尋春
日云濃花滿鏡澹香著衣空階無人蝴蝶自飛芳草行跡落曉
網絲碧雲欲來東風未歸小樓云楊柳一碧芙蓉四青瓶花開
朱簾鉤亞丁繡規秦女書摹雒靈一行新雁滿湘畫屏又偶成
云小樓無人殘月如客桃梅花云天地如夢空山一枝水榭云

落葉驚秋鴛鴦相語秋夜云水螢照花海棠紅冷濃麗如子山
小賦清遠如表聖詩品與梁溪女子專賦六言詩者相似

錢塘方蕙卿珠 苾齋夫人姪女也詩筆清麗具有淵源有句云

鵲臨秋水真宜瘦寫守梅花慣耐寒適陳壽蘓秀才年未三十
而寡又有春日寄弟揚州一絕云春雲已散花神廟夜月仍未

繡女祠揚子暮潮汎短夢江南江北兩絲

順德女士陳靜齋

廣遊

工書法兼精繪事寫竹風枝雨葉神似管

仲姪矣嘗見其自題畫竹一絕云風雨任離披直節凌雲

搖不移一幅瀟湘寫秋影月明曾過女英祠可謂雅音又詠老

將云有云萬里邊塵鉏甲銷鉏甲十年戰過面繡刀鏢向亦豪

邁

南海女士陳瓊號瓊華花卉師憚南田與靜齋女史齊名亦能

詩嘗有曉起白云嫩寒綠瘦草塘草小雨紅肥鏡閣花風致可想

上海女史朱秀甫水部郎朝源女歸琅邪王鈺嘗於夢中得
白云銀蟾抱月沉西去碧落秋清浩風露仙山樓閣不分明獨
蹕青霞向何處自謂不祥未幾而卒嘗見其旦華樓遺詩一卷
詠水仙花云夜靜聞素琴月明花在水早梅云早開不藉東風
力冰雪中含太古春新秋云瀟湘雲水無人奏梧葉隨風打壁
琴並極清峭至見甥絕白云母死誰憐汝相攜更痛心吟啼
不住猶是姊聲音則渾然天籟矣

海寧查幼芳女史用孫古雲龍伯佳偶也閨中白云對月憐雙
影分燈讀六朝春日云忽覺綠蒲短方知春水生惜春云捲簾
紅而無情甚春要桃花瘦幾分並極超妙

詳考法氏著述八稿詩話未見著錄尤有
秘笈是書殆成於公有纂雅頌集
時也故更何實什之小詩錄論時甲子

凡雙圈皆詩龕語單圈則採增他說

按小詩龕為汪三選仁和人有小詩龕詩稿

四卷 韻打注



伍克己法梧門編著

八旗詩話

卷四

鎮國愍厚公名高塞 太宗六子雅靜一主人有恭壽堂集體
格完潔寄興蓄達不事摹擬自與古合虞山孫昉曾錄以傳
世今所錄亦散佚僅鈔漁洋所採古近體十六章片羽一枝
彌增寶異公性淡泊如枯禪老衲好讀書善彈琴工畫精曲
理

果毅親王名允禮 聖祖十七子有春和堂集靜遠齋詩奉使
紀行詩春和集刻于雍正十一年中有桃源洞一首真不著
一字儘得凡流之妙詩云洞門深幾許隱隱有泉聲仙樹參
差見春禽上下鳴松間雙鶴立柳外一舟橫遙訪潺湲處花
流點點明後刻鳴感集佚之王詩理清贍寄托遙深間事鏡
別未傷凡骨工於發端如晚迹漁山作云斜陽猶在野暝色
山蒼然直造神妙其他佳句如塞外詩云四山連野暗一鳥
破烟來道上口占云亂山堆在夕陽中題宋徽宗畫鷹云凌
秋健翮閒不用可惜時風都無事皆非凡語

慎靖郡王名允禧號紫瓊主人 聖祖二十一字有花間堂詩

紫瓊巖詩鈔續鈔王稟秀星潢以陰邪晉愛與寒素俱好賢
下士海內宗仰早工述作爲書沈德潛稱其畫宗元人詩宗
唐人品近河間東平而多能游藝又二王所未聞允矣其他
佳句五言十^如弓芳草地三面杏花風不知春色裏曾有幾人
來^七言如秋立白雲村寺多之類爲多

原修親王名崇安號友竹主人原悼親王椿子有友竹莊詩無
專集詩文並見嗣王敬謹齋集首詩不多而有健氣

怡僖親王名弘曉號冰玉主人怡賢親王允祥子有明善堂集

余曩時偕友人遊海濱青龍橋一帶荒園廢寺有蒼雪菴藏
叢莽中披榛翦棘至則開朗京城諸勝皆在眼下春花徑秋
尚開清泉自石罅出冷然有聲文室中粘壁皆王手蹟即
景抒懷其言藉如目錄數章歸皆集中所未存者知述興之
作散佚尚多

蘊端初名岳端字正子一字蕪山號紅蘭主人原封固山貝子
多羅安郡王岳樂子於太祖為四世有玉池生稿少喜吟
咏尤好西崑體因取玉池存葉正曰：向自號玉池生有春
郊晚眺詩云西嶺生雲將作雨東風無力不飛花喧傳都下

時稱東凡居士旁工繪事寸楮尺壁有白云榻擁分箋客門
喧索畫人蓋紀實也年僅三十五而歿禮賢下士鄒枚之列
時來坐下常選鄧惠詩以示不棄寒微之意沈德潛常稱之
博爾都字問真別稱東皋漁父輔國恪倍公拔都海子官輔國
將軍有白燕樓草問亭^真為紅蘭主人近屬汪鈍翁梅耦長陳
其年極口推許咀吟分咏旗鼓相當自築東皋別業水石花
竹擅輞川之勝一時名輩皆有詩紀其事太平歌咏之勝令
人神往焉按宗室詩如薩端博爾都塞爾赫永志皆一時作
手

塞爾赫字慄菴一字曉亭號北叶杏子輔國將軍泰蔭布祿子
封奉國將軍官倉場總督有曉亭詩鈔好獎借寒暖常逢遇
徒行老翁下馬執手辨其為宋介三介三者窮居好古不求
聞達者也生平以詩為性命辨唐宋之分如淄澠一水明殘
照孤村入暮烟宋朝南渡君稱姬周室東遷帝是侯皆其佚
句乾隆九年 駕幸翰林院簡初臣三十八人侍宴賦詩非
甲科雖公孤不得與特命公以宗臣侍明年宴瀛臺如前命
一時榮之子伊都禮立齋鄂洛順厚菴俱能詩立齋早卒有

文昭字子晉號薌嬰居士原封固山貝子
薌端從孫於太祖

為六世有古執集松風麈餘集飛騰集知田集松風文集東

屯集蟄吟在告集文春集古執集龍鍾集臺溪集石孟集

盤山紀迹草瓢居草畫屏齋稿槐次吟艾集檜樓草薌為仁

蘭從孫問詩法於漁洋具有承授吟咏最豪家蓄古執稿就

輒投其中聖祖嘗諭近臣宗室文昭詩學甚好惜身有殘

疾不能行走故薌嬰紀恩詩中有溫泉召試託吾曾天語重

聞感倍增多病頻煩明主念工詩每向近臣稱之由其詩大

抵劉琨入骨澹語如雲排比之中不掩跳盪之外別具宮商低徊

福喜字揚亭襲封奉恩將軍海陵子朝考 特賜進士襲奉恩

將軍有學國堂集將軍頗而聲每乘烏騾過長安市人見之

詫為天人喜飲酒好遊西山諸寺壁間手蹟幾遍雨雪中攜

魚菜出都門選幽僻地張幔獨酌又善爇中年歿無子有傳

其為神者蓋正直人也集為丹徒趙天馥所錄取徑南宋時

得雋永之致與嘉善曹庭棟唱和甚多宗為可知

弘峻字華川號吟吟居士受詩教於戴璣主人故其吹香煙點

一掃凡穢格調清峻朗々可誦

弘昂字據菴慎郡王子六歲解諧謔十歲下草輒有可觀十五

此後錄
改回補官

歲而殒楚家所謂優曇花頃刻開謝耶慎王喜方外交一日
招李鐵君陳石閭賞花賦詩據卷口占侍教今所存即景詩
是也鐵君石閭以秀才目之識者以爲詩識

永年字美門一字純齋稱飲魚子詩多鯨情之作閨情云蓮心
抱苦思成藕梅子含酸陽斯仁以藕字仁字諧起借用殊傷
大雅而言有寄托者庶幾合玉溪微旨

恒仁字育萬一字月山有月山詩集志學不倦常以詩質沈邱

林稱其詩大忌精

還尚書耕園侍御相紅蘭紫幢不多讓也惜未竟其志

十年阻滯

永念字嵩山康修親王崇安子龍鎮國將軍於太祖爲七世

永忠字良輔一字渠仙又字臞仙多羅恭勤貝勒弘明子封輔
國將軍有延芳室集臞仙工詩善書畫名重一時性耽飲齋
中藏十年宿釀客至識與不識必盡醉始罷尤喜積書老屋
數椽羅列國文春秋佳日即景寫懷作行草于舊楮上有鳳
翥鸞翔之觀余得其手札及小詩一冊題曰延芳室墨窠蓋
素菊主人所藏也為人傾倒以此

敦誠字敬亭敦敏弟有四松堂詩文集敬亭履跡未出京圻而

江湖之浩蕩川嶽之嶄奇時：左臂臆間下筆清峭拔俗妙
寓難狀識者以鄴善長柳子厚擬之詩幽邈靜靚如行絕壑
中逢古梅一株著花不多而香氣郁烈

郭貌園字麟閣一字遇義滿洲人崇德辛巳鄉試第一累官至
祕書院學士有北海集麟閣際創興之始考文徵獻敷治彬
彬順治辛卯典京兆試稱得人官蹟多在滇楚其登眺之什
激昂慷慨大而非夸不徒作闊落語蘊蓄深矣

卞三元字月華一字桂林漢軍人崇德辛巳舉人累官至雲貴
總督謚恪敏有苑署公休詩草恪敏功業爛如而喜弄文墨

始以淹博與族人為鳳同知名公尤深於詩余嘗祭酒送其
裔孫入學讀書詢問家世茫然不知公所藏鼎彝僅素畫散
几煙噫可慨也卦按國初以此功定天下而文教之興肇始
於崇德之初一時泛勸之士不必專攻聲律而汪洋瀾灝自
合天籟開一代之先考非偶然也故是編以公館北海二集
為冠

范承謨字觀公一字螺山漢軍人順治壬辰進士陟庶吉士散
館^授編修累官至浙閩總督耿逆叛不屈被害謚忠貞有吾廬
存稿百苦吟畫壁遺稿忠貞考大學士文程次五年十七選

充侍衛仍以茂芳得應制科由詞館散歷中外全集著清苑
洲可者所編畫壁遠稿子時常進呈 聖祖竊以宏拓親製
序文或國家表揚臣節扶植綱常意摯恩渥石門吳震方曾
刻之說鈴中奏議明白曉暢有闡國計之言韻語慷慨激烈
如觀髮指皆裂時

色冷字碧山蒙古人順治己未進士累官刑部侍郎常聘周青
士入都共商凡雅鄧漢儀稱其雅麗深秀當屬騷壇宗匠
禪岱字靜齋滿洲人由內翰林祕書院侍讀累官吏部侍郎常
背師湖湘凡遇名勝雅戎馬倥傯不廢吟咏登此諸作議論

正大渾然無裝績痕可謂能者

當作頑砢砢

佟圖器字漚白漢軍人累官南贛巡檢宋荔蒙拉傾側其五律

有長城之譽則其體物抒懷必不苟為炳、煥、者

范承斌字允公漢軍人大學士文程子襲一茅伯有大鳳堂集
承其家業詩有早識鄧漢儀稱其不煩添脂傳抄只一味真
至使不可及

費揚古滿洲人累官至議政大臣領侍衛大臣封一等公謚襄

莊伊侍御特白山詩鈔獨費揚古無傳余檢其雜咏諸作有碌

碌忝朝班食祿徒尸位向又有憶昔十六齡佩刀侍金闕廿

一病辭官廿七歲東笏時常有事秋南征共北伐前後數十年忽、駕白髮等句殆勲舊而典宿衛抒力戎行者與以平易語寫危苦詞防身檢心之作固無事鉤章棘句

佟謫字怡公號雁眉滿洲人詩喜鍊字鍊句能以峭硬之筆寫難狀之景多戛、獨造語

吳興祚字伯成一字留村漢軍人由貢生知縣累官兩廣總督有巡海清稿留村清稿世居丹山祖大圭教授遼東之清河籍隸旗下留村武功載在史館至今聞越人猶稱頌弗衰下筆無刀戈斧上馬有詩書氣一掃黃葉下寒江漁洋見之學

不歎崔黃葉獨工矣宋元考律送吏選由解粵東與國皆其
所著

佟鳳翔字高岡漢軍人由副將授右都軍官河南巡按議勤儉
有栖友堂集勤儉詩篇極繁富傳者無幾余舊藏趙惟度選
本四十餘章世所稱天門山一首不在選中知逸者尚多也
姚啓聖字熙之一字憂菴漢軍人康熙癸卯舉人第一由右都
軍官總督尚書加少保有憂畏莊道稿少保籍本浙從詩文
俱有奇氣稿熾於火曾孫咏於浙中得其手書詩五十章鏤
板以傳生平器度宏遠謀畧過人故歷官多異改當康熙甲

寅聞夏破家募宇仙霞浙東賴以底定施琅平臺灣少保歷
時輸軍餉重犒戰士心運籌之力居多迨劉國軒敗澎湖凱
旋琅於海道奏提少保由內地馳報遲琅二日至京琅已先
封靖海侯矣嘗于閑屬席制學田於恤寒暖至今德之事功
赫奕清固不足增重而英聽異利自非咿唔小儒所能若

徐元夢字善長一字蝶園湖州人康熙癸丑進士改庶吉士散
館授編修累官至大學士謚文定文章功績彪炳一時而蕭
然於名利之外日手一編寒暑不間雖老諸生亦遜其勤苦
蓋天性如此余常見青浦王侍郎述菴文鈔載其軼事多可

傳當微而輯之詩工整不如疎散之作饒有逸趣世當分別
觀之

李基和字協第一字梅崖漢軍人康熙癸丑進士改庶吉士散
館改主事累官巡撫有梅崖集康熙丁巳與合肥孫荃同分
校京兆闈並稱得人厯官中外有琴鄭漢儀選詩觀以不得
其全集為憾

性德字容若原名成德大學士明珠子康熙癸丑進士官侍衛
有通志堂集畧諾天姿英絕蕭然若寒素擁書數萬卷彈琴
咏歌評書畫以自娛不知為宰相子也所刻通志堂經解錄

學法趙松雪自宮賦
詩有威即倚小像傍
其本家座客或期許
太過皆不應徐東海
曰爾何酷似王逸少
乃大喜

水亭雜志二書世稱善本而情思徘徊尤工填詞其佳句海外人能傳之詩以清雅為工五古尤有神韻

阿金字雲舉滿洲人康熙辛未進士改庶吉散館授檢討有培風堂集余常見新城尚書與雲舉論詩手牘頗致期許雲舉為新城辛未所得士已卯典試福建取侯官詩人張遠為解首新城以為傳永歸者惜未見其全集故所存寥寥

顧八代字文起滿洲人由廕生累官至禮部尚書贈太傅謚文端世宗獎其品學兼優之為模範戎幕韓范構檻朱程歲於萬之其全集不可見俾世有顧文端公詩鈔乃方靈萃校

訂多從軍漢粵之作頗傷直致然而明順逆之義決成敗之
機正如顏魯公書一筆一鋒忠義之心時時流露讀者政容
陳于王字健夫一字榆材漢軍人登高臨遠懷古感今多見諸
歌咏雅山水之清腴有以資其興會亦英陶鑄者深而閱歷
者至也

揆叙字凱功滿洲人由佐領侍衛累官都御史有益戒堂自訂
詩集後集按查初白散葉堂集脫體眉山無不盡之言揆叙
恪守師傳破爛無二雅疊韻長篇時覺材力不逮然謗錦氣
充所得亦足觀矣

卞永譽字令之一字仙容漢軍人由廕生補通政司知事累官
刑部侍郎有武古堂集令之官福建巡撫著書畫彙攷六十
卷為世所稱朱竹垞論畫詩有妙鑒誰能別毫髮一時難得
兩中丞蓋指永譽同宋犖也

喻成龍字武功漢軍人由廕生知縣累官湖廣巡撫有塞上集
武功素情封疆與古大臣比烈人以文草就正徑筆驅墨染
皆非宿儒老師所及詩刻意宗唐不惟句法求肖即諧謔會
意亦無不似也然老健中有紆餘之態祇覺情格於文擬之
麴生乃內醞黃封而非觸鼻蜚香之燕京琥珀也沈邱魯常

稱其丈夫既捐軀豈能依骨肉立馬望黃河天清塞雪紫華
白為學少陵

巢可託字素侯一字寄齋湖州人由廩生授主事累官刑部尚
書有花雨松濤詩集文集著注訂補非舊也然有一段臨摹涉獵工
夫神味往往似子厚近體未盡完善古體仿青邱一種極擬
脫羈勒文勝於詩敘事之作尤佳

孫川字方玉一字澄菴漢軍人官延安知府有竹園詩草澄菴
祖茂蘭巡撫寧夏時脫傳青主人於難山人試博學至
京嘗立其家澄菴猶得以詩文就正山人歸里澄菴作詩錢

之今載在集首後與盤山青溪和為訂方外交筆墨多稱
悟

蘇良嗣字小眉一字肖公漢軍人官知府有鏡烟山房詩集詩
為一時名輩所推吳梅村稱其浸淫盛唐今觀其五古從少
陵入手敘述頗有法度又工於著端傳播藝林有以也夫

孫伯武字蓮渚漢軍人累官巡撫有晴巒詩草中丞政尚寬和
詩亦有博帶輕裘之致審攝觀化時作雋語

劉廷璣字玉衡號左園漢軍人官按察使有菖莊詩類詩鈔宗
商邱謂其天真流露襟期灑落凡登山臨水悅人感物興夫

籌國憂民之心敦厚悱惻並形於篇什王新城亦稱之

曹寅字子清一字棟亭漢軍人累官通政使有棟亭詩鈔詩別
鈔文鈔詞鈔棟亭官織造時刻全唐詩進呈 乙覽遂為一
代不可少之書故於唐詩涉獵之功甚深朱竹垞謂其流覽
全唐詩派多師以為師姜宸英謂其出入開寶之間尤以少
陵為濫觴

范承烈字彥公漢軍人累官戶部侍郎有雛鳳堂集下筆清空
心極為鄧漢儀所推服念舊懷人之章尤悱惻真摯

花色字介眉滿洲人官杭州將軍有承仁堂詩朱高安評其清

而不瘦腹而不浮

赫奕字淡士湖州人累官工部為主內務府總管有青霜山房詩集澠土工繪事與麓堂齋名時有南王北赫之目詩則自寓性情不以刻劃為工亦有蕭疎淡遠之致

劉德新字裕公漢軍人常規作者詩云人要平詩不要平人要直詩不要直此確論也覽其詩有瑰麗觀無虛憊氣宜其騷壇掉臂藝苑傾襟

郎廷槐字梅谿漢軍人官山東新城知縣有江湖夜雨集改官新城適值漁洋解組時過從城北書庫凡有撰著漁洋親為

丹鉛目染耳濡漸臻精詣詩問十九則官新城時所輯討論
精切言近旨遠漁洋一生得力具見於茲可謂諳而當矣是
集亦經漁洋點定俗調曼聲淘汰殆盡朱竹垞亦謂其善學
漁洋蓋所取者神明於離處見其舍也

孫紹昉字曉峯漢軍人有樂倫堂自娛草詩境清曠嘗有句云
官微常喜一身健祿薄還嫌八口多則其際遇與其性情如
繪在諸昆季中別樹一幟

吳秉謙字鳴貞一字義山漢軍人累官工部侍郎余嘗以河自
金昌一決南流幾六七百年談北流者多以為迂腐然按之

時勢亦不得不以為過也觀戴山詩大有睥睨二王之氣惜
不得與之抵掌而談也

佟世思字儼若一字葭沚漢軍人江西巡撫兵部右侍郎國正子
官廣西思恩知州有與梅堂集韓幕廬謂其抑塞磊落之氣
一洩於詩王漁洋謂其宗雅頌正三唐

高其倬字率之號芙沼又號種翁漢軍人康熙甲戌進士改庶
吉士龍伯授編修累官至戶部右侍郎三等男爵文良有
味和堂集文良穎識通達天韻標令咳唾九霄衣第一品宜
隨園序之傾倒培玉以為奉朝第一手也

常戲有評曰僕
神顏似元相

讀其集如與許

元度顧君叔終日上下議論都無一語凡近又如東坡仇池
石八寸宛轉陵巖畢其賦以銅鑄以玉石錫光青色生於
几案不感不竭不重不佻中和之遠雅音斯在故能行於
工光於累業子弟孫曾人皆有集可謂盛矣

覺羅滿保字九如一字鳧山滿洲人康熙甲戌進士改庶吉士
散館授檢討累官閩浙巡撫有檢心楊鳧山丰采政績至今
閩越人猶能言之余與公子吉善竹坪同官太學述先人撰
述極富鏤板於閩以官事倉卒入都為幕客某攜去後索之
急某雜摭所記憶另刻以寄即今所存者故顛倒錯亂真偽

參半云

海賓字天植滿洲人康熙甲戌進士改庶吉士教館授檢討康熙已卯副陳海寧元龍典陝西試倡和極富海寧稱其詩有笠澤仙習當亦天機清妙者今存七律一章

法海字洲若孫陶菴滿洲人康熙甲戌進士改庶吉士教館授檢討累官兵部主事後給副都統銜有悔翁集悔翁衡文一目十行纖微弗遺下筆滔滔汨汨未嘗以門閥自廢格律近中唐如心經患難初知斂身閑功名老漸輕粗涉世故者不能道亦不能知其咏詩通神有富懷抱歸愚謂其風骨

獨高

石芳字蘭汀一字雲樵滿洲人康熙丙子舉人官佐領兼散騎郎有自怡堂詩草蘭汀中年以足疾罷官策杖跨蹇梵樓佛宇隨意棲息文士邂逅禮意有加晚年構精舍三楹廣植花木歌咏其中詩取適意無誇多門靡之習

福敏字龍瀚拂湘滿洲人康熙丁丑進士改庶吉士散館歸班雍正癸卯時授內閣學士累官大學士謚文端贈太師入祀賢良祠文端賦性溫純御事簡重不欲以詞章自見所存諸作雄深雅健天骨開張其夏日侍瀛堂七律深得李杜

沃以詩諷諭之道宜其功業爛然非詩人所能及也

蔡琰字若璞號希功康熙丁丑進士改庶吉士散館授檢討累
官吏部尚書直隸總督降奉天府府尹有宰素堂集尚書生
平勤于詩與高文良至戚唱酬最多文良畏之尚書歿乎錄
常本尚有三四十冊子孫不甚愛惜人少取之余亦得其一
皆中年作詩二百餘章氣清味腴最近劉文房錢仲文惜全
集不可再見生平造詣當不在味和堂下

郭爾泰字毅菴滿洲人康熙己卯舉人累官大學士謚文端有

西林遺稿文端在吳中竹春風亭延攬英髦一時名儒耶之

如雲書法如蒼松怪石余常見其清壯咏懷三首中云多願
長城、小心日拳、塘達不敵尚激烈非所安又云勿為失
者策勿得得者歎涼風來北窻得失誰後言皆見道之言也
按文端受知三朝出入將相帥府威望邊人驚服至今拜武
鄉之祠祀南康之像者如昨日也所為詩古勁蒼莽直書胸
臆卒後二十年其門人楊潮觀始叙而刻之

文明字文止一字魯齋原熙庚辰進士累官光祿寺卿有盤村
居士稱晚年有北路軍營之役得詩一卷自為小序書於平
山麓幕中有知我而復能詩者不可不令見之之語

西庫字在言一字連仙滿洲人康熙癸未進士政庶吉士散館授檢討風流倜儻而潛心學問余見筠園讀易樓藏立言與查夏重何義門蔣西君入直倡和詩冊甚佳今集中不存想軼者尚多也

吳麟字子瑞一字曉亭滿洲人康熙戊子舉人官中書乾隆丙辰薦舉博學鴻詞與修明史有泰谷山房集子瑞博學多聞所著江源芳載抗世駿詞科學林皆身所親歷為歷來記載所不及真是補桑鄉之缺詩才氣蒼莽英隲辣語頗足動人阿克敦字立恒一字恒岩滿洲人康熙己丑進士政庶吉士散

館授編修累官刑部尚書協辦大學士加太子少保致仕謚
文勤體國教家俱有法度豐功偉畧載主旂常詩特其緒餘
丹氣局開展筆力渾融實有龍軍百家也涵萬衆之樂

塞爾登字紫峯滿洲人康熙辛卯舉人累官侍講學士有綠雲堂集學士凡流儼人胥樂與之遊官司業時刻六堂祝壽詞一卷雖應酬祝嘏之作名篇終繹而足徵學士愛士之誠篤所攷詩和樂之音無取裝飾

覺羅吳拜字昌言康熙壬辰進士累官左都御史和平安雅翔
翔玉堂之上不愧清班洎掌憲垣風節凜然詩指事抒情不

明神宗字是學遜，
封滿洲人康熙帝前
將官侍讀學士者。

此相其健秀則美矣
要補建推其意不欲
一語猶人亦尋常詩
索也惟過于非奇不
先發入息道如空
而草枯樹折如摧
死漢華花詩道奇
傳云初以為佳秀見
而曰却哉此詩深
不絕水木居非去我
利千秋五野金風
吹漢屋三吏主客
洗秦錢怪僻不可
為訓

作艱險語不作枯澁態望之如春風楊柳聽之如疎雨梧桐
朱倫瀚字涵齋一字亦軒弗一三漢軍人康熙壬辰武進士累
官副都統有閒青堂詩集涵齋畫法得之天授四歲即以煤
塗壁肖諸鬼神鳥獸像見者驚詫一日攀煤車取煤身墮傷
右手中指比瘞則此指中獨厚而銳有微凹能容墨遂專以
指代筆先世武功熟閑韜鈴臂力過人工左右肘掣習諸技
勇九歲遇盜山東道上執鎗馳刺盜驚逸 聖祖嘗書其畫
扇賜高麗國王王復請於朝具厚幣乞畫 聖祖 高宗並
有賜題其畫詩生平詩名頗著畫掩近神健於古神七言後

於五言佳句如暮春寫懷云朝柳亂烟鴉噪建春江濕雨燕
低飛病起云潮老鶯花偏作態妒春風雨亦如秋旅舍懷人
云荒城孤角三更夢古驛寒燈萬里心咏愁云遷客坐中杯
冷美人簾外月黃昏皆雅人深致服官中外數十年而瘳瘳
或不能恰其品詣可知

吳孝登字夔修漢軍人侍郎秉謙子康熙癸巳進士改庶吉士
散館授檢討累官侍讀學士有塵岳集茹苦食貧生平以教
讀為業交遊咸稱其篤摯於文學尤浸淫貫串立議甚創而
持論甚平集中讀史諸作具見一斑非朽腹人掉弄筆墨者

可比

蒙額固字又上滿洲人康熙甲午副榜學有根柢頗屢躋場屋
不能以功業顯寄情詩酒非初願也情思纏綿襟期濶落故
所作多清曠之篇按西林相公集中贈又上詩屢見疊出久
為入幕之賓乃西林為兩朝元老而又上終於明徑前輩相
與之雅品行之高令人神往

德齡字松如瑤壚鄉滿洲人康熙乙未進士改庶吉士散館授
檢討累官吏部侍郎有倚松閣詩稿詩學唐人得其健氣往
往不事鏡削而雋音逸思湊泊絃外

賽都字蓉洲自弼石田老農漢軍人康熙乙未武進_{北元}舉官修

兵有滇南游草武人詩染戈鋌陋習固不足言極力振脫又

恐靡音仿體痼癖尤深蔡洲詩宮景言惜喜無呼驚之音

徐湛思字沛黃漢軍人康熙乙未武進士由侍衛改刑部員外

郎累官直隸河道副總督有通介堂詩稿疏黃以舟中觀獵

詩受如由宿衛揜楯之班改授都署厯官次第以韋應物

而搽舫遇合過孟浩然矣

孫紹昌字韜光漢軍人康熙乙未武進士有步雪堂詩集西征

紀畧韜光驅馳西北戎馬倥傯掉頭搔膝吟嘯晏如著西征

紀畧傳西藏風土人物山川驛程條分縷晰足備志乘所闕
其記傳摹柳州序摹永叔時具梓也

國璉榜名郭操字夏陳滿洲人康熙戊戌進士累官光祿寺卿
有靜觀堂詩官祭酒時與諸生分韻賦詩至今人猶豔其事
惜壁間手蹟漫漶不可辨識大抵德詞命意最近香山觀其
讀白集一首可以知淵源所自矣

留保字松齋滿洲人康熙辛丑進士改庶吉士散館授編修累
官吏部侍郎於南幼年氣盛善怒每屢折愛戒之及長使於
四方跪母前乞一枝指蒼頭嗣後我怒汝即以杖示我每怒

見杖必悚然曰母生怒執平其純篤如此名作甚多全集存
素簡齋集

何浩字天然一字廣菴滿洲人康熙辛丑進士累官翰林院侍
讀學士下筆輒千言髫歲有才名與其弟溥有二何之目登
進士第不屑作妃青儼白語行氣如雲言近旨遠惜篇什罕
家不充多見書法宗張司寇筆力恣肆名重一時

何溥字淵若一字謙齋滿洲人浩弟康熙辛丑進士官主事以
薦從軍陣亡入祀昭忠祠有謙齋詩文集英年同兄於第小
効死疆場忠烈昭々至今人嚮稱之

施世綸字文賢靖海侯琅子漢軍人襲爵官漕運總督有南堂詩鈔南堂生長晉江紹穆侯孫與鄧漢儀黃雲高齋以文事相劇切少年諸作清迥拔俗仕宦後詞高致遠其五者得輒川三昧至以孝慈著婦稚亦皆知名有編者但諍與色極同稱者

校韻字雪窓滿洲人官散秩大臣詩格高遠傳者甚多其佳句如門靜無來客心空有暮鐘情隨境轉秋方信病為愁增老自知常炊得米何為窘欲典無衣始覺貧噓寒吹冷蕭然如老學究談道亦癖於詩者也

占鼇字蔚菴湖州人有自饒齋詩稿蔚菴不以詩名余嘗于額勒洪綠雪堂屋詩集後所見之

張廷弼字秉衡一字竹園漢軍人官江蘇吳縣知縣喜結交知名士嘗月夕放舟於湖鄉之間擊鐺賦詩竟夜忘返陳滄洲守蘇州多有唱和之作

張廷枚字卜臣漢軍人累官福建布政使有春暉堂集以詩受主知三考朝鮮苗使復以專制遷秩謂雅才者非耶詩波瀾老戲尤近吳淵穎

達禮字履中滿洲人有拳石堂詩文集履中凡所游歷如羅浮

華嶽皆有詩紀其勝省親武昌京師名輩查慎行嗣琛周起
渭李嶠瑞劉師恕繆沅徐陶璋萬經顧嗣立張燦設酒陶然
亭餞其行賦詩紀事極一時文譔之盛則履中之風流好事
可概見矣

李誠字桐軒滿洲人襲承恩公累官戶部尚書有桐軒集桐軒
論詩有先設有關合有轉折有照應如天之生物首足自順
如地之植物根幹不倒如水源流暢而散江河如山勢迴複
而宗鎮岳如風之吹物如雲之行空故其有運字不累句句
不累卒起訖整飭羅列清疎晚年微近率易壯歲諸作高華

清雋洵能手也

閔奇方字子賓滿洲人以詩人自命嘗與僊用拙蘇穎士稱三子用拙賦性倔強詞氣不肯下人子賓列恭敬有加且贊其著作得齊梁人旨趣伊侍御選白山詩僅存數首今亦無從搜討也

兆玉字瑞君一字琢齋滿洲人諸生幼聰穎九歲能擘窠大書賦桃花詩人豔稱之甫入學校卒世傳其晚行白云澹月冷秋山昏鴉集枯樹殆詩識云

僊同格字承之自號用拙道人滿洲人拔貢生讀書甚多潦倒

場屋收其詩多感慨不平之氣間或溢為奇怪而質朴中風
趣實不肯依人俯仰者七言佳句如喜雨云新水帶魚從北
下碎雲如鳥向南飛清新可誦

羅萬成字實田一字琢山漢軍人拔貢生有客妻^其年侍其先
人於婁東州牧署一時師友皆名流指授有法詩情磊落得
唐人奧旨惟工愁善病多蕭飒之音發端高起結語卑弱中
年實志有以也夫

卓爾堪字子立漢軍人系靖雅忠臣諱敬之後代傳清白壯歲
南征明送方方軍前鋒又嘗輯勝國逸民詩集文武並嫻達

近爭高其行

佛喜字怡仙一字少峰號芥峯滿洲人累官四川布政使有友
蓮堂集善丹青能燒火作畫亦好考之士詩仿玉溪生亦有
合處

訥爾樸字拙菴滿洲人世襲一等男有畫沙集拙菴居窮髮之
地十三年吟誦弗輟暇則以賽衛戎短車出郭荷鋤移野卉
數十種蒔階下非襟懷浩蕩烏能如此集中心存家國蓋亦
杜甫之每飯不忘君者也

朱亮字韜明滿洲人有冷月山堂詩性喜作詩家人婦子任其

薰染皆能作韻語後人刻靜廬堂集廿運源作序以傳可謂
感矣生平詩稿極富晚年自為刪汰其精悍之作皆不存所
存皆空霧一氣有羚羊挂角之致者殆別有會心歟

額勒洪字坦菴滿洲人有綠雪書屋詩草坦菴與鄂文端公昆
季為詩友唱酬最密賦性嚴直其下筆亦傲岸五律氣格渾
成近韋柳七律則摹大厯十子入蜀諸作時以浣花草堂
自命雖不能至心嚮往之矣

王斌字玉生漢軍人官護軍校常與蕲嬰居士唱和附見集中
茲擇其尤雅者

賽音布字九如。鄂岸亭滿洲人。官吏部掌帖式。改步軍校。以薦

入。實錄館有宜園集。溯源堂詩序。序詩不涉險怪。不蹈淺率。五言渾成。非徒以新警見長。與沈方舟。劉東郊。酬唱。方舟稱為勁敵。東郊稱為老將。庶幾不愧。每構思。木形灰色。鉤深詣絕。窮夜涉旬一字不安。其業立毀。身歷邊庭。其礪人出塞詩。能寫河梁之苦。軍中之豪傑欲與崔司勳。岑嘉州埒。

尹繼善字元長。鄂望山滿洲人。雍正癸卯進士。改庶吉士。散館授編修。官至文華殿大學士。謚文端。有尹文端集紀。思詩文端公獎進人才。傾衿推轂。提訓導。公餘一卷一燈如老。

諸生寒暑弗輟詩成喜人吟聽玉頤挫履手為拍張或半字
未安必嚴改乃已駐節金陵與錢文端沈文愷諸老詩筒往
後香樹太傅有敗於吳江道上之語前輩風流洵為佳話久
與喜堂司空同為詞壇鉅手司空力摹韓杜文端贈白云詩
似看山不喜平蓋確論也 高宗嘗以存初滿洲科目惟鄂
爾泰尹繼善二人

方泰字次山滿洲人雍正癸卯舉人官御史嘗自號大腰子卜
居西山之麓林泉花竹雅擅清幽春秋佳日名士多集詩馳
騁古今才氣極大若能就乾伏轅不失為千里之馬

嵩壽字茂承一字雲依滿洲人雍正癸卯進士改庶吉士散館授編修累官吏部侍郎襲三等子爵有以劄堂焚餘稿掌文枋日以得佳士為愉快與人交推誠仗義觴咏凡流去古未遠詩清脫穩適不求艱澀惜佳作見遺者多矣

和明字蘊光號誠齋滿洲人雍正癸卯進士累官總兵有談寧齋詩鈔詞以性喜著墨詩工七言律語意清新如酒艱怕盡窺壺飲魚小貪鮮帶骨吞青松漸老雲山瘦白露初零秋月明皆佳句也

車栢字宜年一字璞賓滿洲人雍正甲辰進士官戶部主事璞

賓由車駕出為杭州司馬浙東西名山水皆從目覩歸
落花詩見志深合凡人之旨

貴昌字禹恭一字涵齋號松莊滿洲人雍正甲辰進士累官翰
林院侍講學士有兆園集五律不能造袁陽精詣而清穩雅
潔竟相類集中他體絕少七律非所究心然如一帶晴光淡
烟樹色重秋色貯溪山亦宋句之荏苒也

蘇章阿字雷岩滿洲人雍正丙午繙譯舉人襲恩騎尉有補履
齋集雷岩為雨村保祿同宗弟詩如幽淙循澗落英際凡較
雨村峻厲不足媚秀有餘辨主惟兩宋體格時近三唐

世臣字嵩喬，號木天，滿洲人。雍正丁未進士，改庶吉士，散館授檢討累官。咸京禮部侍郎，工應試體裁，言情適性之作不多。作也，余見其題張南華畫幀一絕，瀟灑可愛，故錄之。

奈曼字文倩，一字東山，蒙古人。雍正丁未進士，累官副都統，治事有次，詩識見甚超拔。詩卓犖獨一，往瑰奇，自是文壇驍將。

鄂樂舜原名鄂敏，字鈍，一字筠亭，滿洲人。雍正庚戌進士，改庶吉士，散館授編修，累官安徽巡撫。文采風流，取重南中人士。詩乃散佚，不傳，窺其一斑，足知全豹。

西成字有年一字樗園滿洲人雍正庚戌進士由禮部主事累
官太常寺卿乾隆丙辰薦試博學宏詞與兄西泰同登第文
藻才名有郊祁軼轍之目年未及五十而歿樗園博學強
記詩尤雄駿清邁迥出塵表天限以年著作不能與二宋二
蘇埒惜哉

伊福訥字兼五一字柳堂滿洲人雍正庚戌進士官御史少秉
家學且得師友之助詩有淵源下筆幽逸雖得力於宋人而
意琢鍊閒其老年喪明藉吟嘯遣歲月集中佳篇多不用韻
蓋失於繕檢也常輯白山詩鈔一冊選擇甚精

明善字元復一字惺齋滿洲人雍正庚戌進士官中允醇謹之
士其分校鄉闈時日夕焚香禱天以淪棄真才為懼後所得
士胥俊異人以是表之作詩格不求高語不求奇情智相應
溫潤和平讀其詩如見其人

徐炎字伯鈺揚崑山漢軍人雍正庚戌進士官吏部郎中為一
時名宿有燕許大手筆之目晚年補稽勲郎惜遠稿不傳僅
存咏物數首六碑鱗片甲耳

英廉字計占號夢堂漢軍人雍正壬子舉人累官保和殿大學
士謚文肅有夢堂詩稿文肅起家外吏致位宰相 帝簡良

所以漢軍人補滿相缺者政府創事詩自漢魏以來大家在
家皆沈潛探討擬著遺韻當與元之遠山明之青邱徐先轅
滕錢韓石常謂夢堂詩老之詩溫潤縝密超然意象之表昔
姜堯章論詩以不求與古人合而不能不合不求與古人異
而不能不異其詩老之獨造而自得乎

鄂容安字休如一字虛亭滿洲人大學士鄂爾泰子雍正癸丑
進士改庶吉士散館授編修官至兩江總督加太子少傅兼
三等襄勤伯爵殉節伊犁謚剛烈祀昭忠祠剛烈偉績具見
國史詩則與會所至感激而成忠臣烈士之端倪有非常人

所於窺測者調於協律妃紅儼白烏得執以衡剛烈乎王述
卷在填見嵩明海潮寺懸剛烈海暗雲無葉山寒雪有花楹
帖蓋隨西林相國贊漢時書筆力峻拔在諸歐間想見橫身
絕域透爪握拳狀

介福字受茲一字景菴滿洲人雍正癸丑進士改庶吉士散館
授檢討累官侍郎有西清載筆錄退思齋詩野園詩集留都
集閩中化行草采江小草景菴先生四主春閑典順天江南
浙江鄉試英才傑士多出其門作詩以唐人為主景嘗錄開
元大厯詩三百首心摹力揣興至輒書不加寬易故一氣旋

折之中純駁互見擇其精彩煥發者之以籠罩四靈帽服七
子

雙慶字咸中號有亭又號西岑滿洲人雍正癸丑進士改庶吉
士散館授編修累官禮部侍郎有親雅齋詩草下筆蘊藉風
味洒然有秋螢點露水鳥去波之致不必酷摹韋柳而冲遠
爽淡天趣獨得

遂維執字稚一漢軍人雍正己卯副榜官六合知縣有政聲民
情感戴其孫客況蕭條邑人猶延致之盡居停之誼詩有專

集惜未見

覺羅懷玉字純夫一字崑山雍正乙卯繙譯舉人官主事有崑
山詩草性耽吟咏其詩幽淡秀潔頗有長慶風格惜方壯遽

逝畢秋帆嘗極之

顧琮字用方滿洲人八代子累官河道總督有靜庵堂詩文集
制府治河有績而究心閩洛學詩亦以拙直勝桐城方靈皋
輯其詩鏤板吳中何中丞媚稱其不矜追琢不做繩削隨意
寫情而蘊蓄弥深得委曲纏綿一飯不忘忠愛之旨

高述明字東瞻滿洲人累官總兵有積翠軒集東瞻為文定兄
文端父盛年勵事戎行官湖湘日喜與文士游唱和極富其

贈弟斌云與君一世為兄弟今日相逢第二場可見勲貴國
爾忘家之義

高斌字東軒滿洲人累官大學士謚文定有固哉草亭詩文集
文定一生精力畢於河工績著南北所為詩述宗擊壤近仿
白沙自序云觀語則鄙俚或近于和平審心則迂拙亦都于
忠厚此得失自知矣研窮易理居已廉靜侍人以恕與之文
者必使之得其意而去所謂休有容者也

趙宏恩字芸菴漢軍人累官工部尚書鎮海將軍有玉華堂集
性耽翰墨活典文史較長短故撰述甚富詩模範長吉諸悉

潘士宏字謂覽
其感物通暢達古
吟韻動生千載之
思而厚俗政治之
大一篇之中可見側
出益

其甘苦天然入妙處不愧吳蒙名句律詩亦有雋語

峻德字克明一字慎齋滿洲人官筆帖式乾隆丙辰薦試博學
宏詞^卷歲從官山左得與諸文士晤參^分韻後^分鮑西岡王
梅泚耻吟於日下官戶部時又與保兩村卓誤巷唱酬有農
曹^七子之日詩宗鮑明遠謝康樂繼復出入于高遠夫岑嘉
州而一種豪逸之氣竟不肯落古人壓倒卓哉此翁

常山字伯仁自號養易齋主人朱亮子有餘廉堂集以勲臣之
後通經史精騎射壯罹憂患老就安閒觸景言情皆閱歷深
至不比浮光掠影惟貪用詞藻致個性靈五言古體峭勁五

律亦多渾成脩然有致餘則嫌傷繁蕪

峒山字仲仁滿洲人署山弟有栢翠山房詩集父兄家訓以詩書為事業生平謙約不敢以文章名每于燈炮月上吮墨敲韻藏諸篋笥祕不示人亦苦心士也兄為山附刻之筆致輕靈秋蘭泣露教書而已

傅澤洪字育菴漢軍人累官淮揚道按察司副使工于題畫余於西山退翁卜築一帶岡麓梵宇中時見其句漫漶不成章頗有一二清峭語殆健于為詩者

閔舒字泰叔滿洲人官筆帖式有坦菴遺稿昆季皆嗜學泰叔

詩冲淡有味官翰林院時攝廳事玉堂清署咸著題咏至今猶有傳其句者風雅之繫人心深矣哉

閔寶字惟善滿洲人泰叔弟學詩於泰叔桓章矜鍊長篇沈鬱可謂二難矣伐毛洗髓之功尚未逮焉

保祿字在中一字雨村滿洲人有野人居稿以詩名家大江而南皆稱其佳句與塞曉亭鮑西崗為文字友嗜苦吟一字不安徹夜不寐得警策句中夜起遍東同人風味可思也詩筆峭拔世以枯藤怪石擬之吾則愛其斑駁陸離夏鼎商彝惟不適用對之令人增望焉

卓奇園字悟菴滿洲人官筆帖式刻苦志學中年專力聲韻格
律謹嚴詞旨雋永回華推為壇長岐德保祿胡星阿相偕為
祿曹更迭屬和一時稱盛韓白山詩存蒐羅繁富頗具苦心
惜卷帙浩博剞劂及半而歿今所傳者十六家而已官戶部
出入騎一蹇以筆墨自隨有所作輒付布囊中身歿散失殆
盡德芝麓畫扇上有一絕云野水平沙落日遙半山紅樹影
蕭條酒樓人倚孤尊坐看飛騎驅過板橋送情高韻皆其佚
作也

伊麟字夢得一字書巢滿洲人官筆帖式有種墨齋稿書巢與

用拙遠村以詩相砥礪其佳句如殘藥墜凡有滯土古苔徑
雨綠粘牆油宮紙煖觀書日草徑泥深禁足時皆平易近人
而不乏情韻

胡星阿字紫華滿洲人諸生官戶部草帖武詩清而腴幽而豔
香奩體能擺脫一切脂粉詣最超矣陋巷蓬門琴書遣日胸
次間直無纖塵點垢擾之下筆修潔有由然也

羅泰字介昌滿洲人由佐領累官副都統學詩始沿竟陵派又
染指雲間自謂瑰奇識者以天魔妖女視之陶其苦雜時露

孤峭

栢格字又南一字行園潯洲人官內閣中書有行園稿行園官
不高仕而不久盛年居鄉得以吟嘯為娛田園之趣楷墨將
之老境規梅柴桑差近似焉

王敏字路古潯洲人有聽花樓集路古為刑部侍郎遭桂子供
奉內廷旋以病免不出戶庭以讀書為消遣布衣蔬食貴
介之習一空詩纖穠中度風骨自清蹊徑畧近趙倚樓鄭鶴
鵠

鮑鈐字冠亭一字西岡漢軍人官長興知縣有道腴堂詩集西
岡在湖州振興文教浙中名士多與之游著亞谷叢書釋名

各種根據一時學校頗資考證筆墨亦修潔可喜尤留心韻
語生平所作不下萬首金壽門為汰存二十卷西園語人
云詩道雖峻而其途甚坦詩法雖嚴而其用甚寬則首題可
知矣

六十七字居魯淵淵人官給事中有遊外詩草臺陽雜咏臺海
番社播風圖政居魯為閩舒猶子學有淵源巡視臺灣民風
物產每以韻語紀其梗槩且博采其山川形勢為考辨足資
聞見又常使西域紀其風土為西域聞見錄一書極賅博詩
華而不靡詳而不雅不愧瑣瑣之日

王以中字懷公號時齋晚號梅岑漢軍人官甘肅涇州州判有
悅雲集攬物興懷寄北深遠于詩書令官助教終以詩世其
家余嘗採其佳句入詩話中

顏爾登字學愚胥滿洲人官筆帖式有廢村詩稿工詩善畫興
卓悟卷交契筆墨亦相亞悟卷歿後以詩有天妒奇才遇竟
難句人謂其自為寫意

漣哈岱字魯望一字樗亭滿洲人由廕生授主事累官福州將
軍有樗亭詩鈔魯望侍從內廷最久詞林耆舊皆嘗親炙
故其詩之源流本末洞悉於胸又濟以閱歷研究討論渾融

贊微言情處尤委、動人

永寧孫東村滿洲人左都御史謚文莊觀保父有寸寸集常挈
家之盤山饒草屋數間居之時策蹇走山寺與山僧野老相
酬答賦山居詩以見意自孫在山居士

良明字端默滿洲人城南刺梅園在雍正年間為士大夫文讌
地舉鴻博諸徵士多有題詠良明詩雜見于各集中其風流
好事可髣髴見之

黑瑤字石夫滿洲人歲貢生乾隆薦試博學鴻儒宏治居葉河杭莖
蒲掌錄稱其雅有儒風

唐英字俊公一字叔子晚號鵠寄老人漢軍人官粵海關監督
有陶人心語俊公權兩淮復權九江珠山昌水見之草墨者
為多讀起蛟行見愛國愛民之心稱陶人者以在九江兼著
菱窰也

鄂忻字怡雲大學士鄂爾泰第五子剛烈鄂容安弟官至工部
侍郎出使和闐歸在乾清門侍衛殿行走以病致仕晚年貧
甚詩花談書蕭然也詩以淡永勝有清塵齋稿

李鑑字拱靜漢軍人鐸瓦官福建汀漳道有惟清齋稿
鑑靜為
廬青山人家庭唱和藎然成集以庸峭為宗與曉東集分道

合流是知文章家不貴蹈襲也

李錯字鐵君自號鷹青山人又號焦明子漢軍人乾隆丙辰薦

試博學鴻詞復舉經學有曉東集曉東後集寄跡盤山潛水

間著春秋義尚史足補前古之缺先世蜀人一作字石山涼郡王為刊其

集曰焦明詩同時倡和者以慎郡王塞曉亭陳石閣馬大盛

皆能立異標新各張旗鼓山人以勲貴子偕配隱居阮若一

至京師一二日即歸其詩意思蕭散琢句峭拔非恃學多

識者作華身者不能

陳景元字石閣漢軍人有石閣詩集石閣為五布衣之一詩與

李鐵君類字畫亦酷肖驟覽之覺豪氣未除熟讀細玩知其
自騷迄唐枕藉之功深矣沈勢近曲江超忽近太白而妙不
襲其皮貌有議其過求頭豁者然詩之為教覺世牖民與淺
近人語不得不爾增一分隱約便減一分性情矣

陳景中字又方一字楠洲漢軍人官同知乾隆丙辰薦試博學
鴻詞與兄石閭齊名詩亦差近惟石閭工取勢楠洲工取致
取勢者恃其才取致者存乎養楠洲作詩矜重稿多不存視
石閭又有異矣

長海字滙川瑯清癡滿洲人有雷溪草堂詩山人冲遠仕真趣

囊括一切了無容心遇佳客每疊一談五叩之列忘之矣博
古多識辨金石器往、而中酷嗜畫賞意則傾、遂購之常製
裘往弔可親劉氏喪劉氏貧事不辨山人濟之解其裘歸途
見所未見書買之解其衣由是中寒疾乃夷然伏枕曰獲多
矣山人既不事生產家遂中落衣食或不給而所好未或移
中歲愛易水之雷溪築大益菴自號雷谿居士大益菴主晚
入長安居菴巷又顏其閣曰玉衡懸畫四壁對之吟諷其詩
矩矱古人而不膠于固執句尤冠絕一時李眉山嘗贈詩二
月輕寒擁鹿皮人間獨有馬卿癡夜來竈底無烟火自詠梅

花絕調詩全集為塞曉亭所編刻

明泰字拙菴滿洲人有拙菴侍鈔日悔堂詩草姑存吾嘗于吾
師文莊公樂賢堂論當代詩人公舉拙菴為豪傑士親見其
落筆千言不休醉後輒舉所作棄置今所存朋舊綴拾者也
伊侍御謂其解職後寄居山寺席帽烏藤野橋村左瓢然
如畫中人詩能橫排界中有奇氣往來

薩哈齊字思亭滿洲人乾隆丙辰舉人思亭詩較兄樗亭才力
少遜而古體諸作正峻哀怨動人

觀保字柏容一字補亭滿洲人乾隆丁巳進士及庶吉士散館授

編修官至禮部尚書罷後官左都御史謚文恭滿吾師文莊
公從兄少同筆硯長同官皆以文章受特達知疊主文衡
所得知名士幾遍海內後生小子知與不知咸尊之為補亭
先生可謂榮矣作清清和朗潤如其為人真摯虔神似柴桑
筆之所至昂其意之所寄故能於唐宋諸名家空所依傍昔
人論右軍者推其人品絕高不專學問吾于文恭詩亦云

德保字潤亭一字仲容號定圃號龍邱滿洲人乾隆丁巳進士

改庶吉士散館授檢討累官禮部尚書

清史稿文恭詩文鈔卷之五

本朝五典

春官者然孝威王韓城滿洲別文莊一人生平以詩為性命

所著韻語十餘集和雅浩博卓為正聲。子侍郎英和釐為三
卷文莊篤于內行錫原之痛哭動路人宜其殆穀克家初林
偁美

國梁字丹中。號笠民。榜名納國棟。奉 勅改今名。滿洲人。乾隆
丁巳進士。改庶吉士。散館。改主事。官湖貴州糧驛道。有澄悅
堂集。胎息少陵。五七古尤得蘇氏家風。孫祭酒玉麟謬刻以
傳。

阿桂字廣庭。號雲巖。滿洲人。乾隆戊午舉人。累官大學士。封一
等誠謀英勇公。贈太保。謚文成。入參政府。出定巖疆。兩興者。

筵三國麟閣孫曾貴頭身躋八南命名初取巖洞之意相傳
乃父尚書謚文勤公爾敦庀 碑興安夜夢山洞一僧清偕
行及晨得公誕降信故公自壽詩云洞中老衲記前身庭桂
花香入夢頻五十九年前一日世間原未有斯人

高書勲字芸功號倦亭漢軍人乾隆戊午舉人有石堂詩鈔高
文良公有子四人倦亭其季也壯年抱疾不良于行日守一
編以自娛其詩清婉一洗豪貴之習如寒儒之憔悴專一者
舒瞻字雲亭滿洲人乾隆己未進士浙官江平湖知州有蘭蓀
堂集少以詩名出宰浙中喜結納名士微長薄技無不拂拭

於格外官索悉為諸詩人剗剗費詩蔭思綯合扣祕聘妍吾
獨賞其清妙微至者

索祿字敏亭滿洲人乾隆己未繙譯進士官御史唐侍郎籟卷
善鼓琴祕不示人見敏亭深艷之遂傳其法敏亭乃以琴名
詩冷然如寒泉出山木繁辭樹殆亦從琴理中悟出絃外之
音知者或鮮

傅顯字令宜滿洲人乾隆辛酉繙譯舉人由內閣中書累官漕
運總督謚襄勤有卧雲堂詩稿嘗從征金川再討緬甸奉

命督造戰艦于雲南野牛壩殉身瘁廬可謂忠矣詩一卷字

岳州時所自訂者

覺羅奉寬字彰氏弗栗齊又弗碩亭滿洲人乾隆壬戌進士改庶吉士散館授檢討累官兵部侍郎進贈太傅詩存者甚少收散本得詩數首以存梗槩不能窺全豹也

國棟字雲浦一字時齋滿洲人總兵國柱之弟乾隆壬戌進士累官布政使有蜀遊草淮南草賦性聰穎與其兄天峰皆喜為詩不落人窠臼亦不傍人門戶可謂豪傑之士天峰以駿偉騰雲浦以恬適勝則又其性情不同者初令蓬溪人以佛之已卯入閬成都張嵩中江孟邵皆出其門山陰陳大獲賀

向南樓凡月思前度西蜀文章藻筆倫謂此也

永亮字蘋洲一字卧岡滿洲人乾陽甲子舉人官

知州

有晚香堂詩集近紳多佳由甚明淨完洁者可入香山之室

令子耐園太字有政聲亦工詩

顧邦英字洛者漢軍人乾陽甲子舉人官直隸懷柔知縣有室

川詩稿冶亭閣萃昆孝與余同官學士時邀說詩於石經堂

是日大雨甘道淵係玉出懷中舊人詩數冊皆其密友已歸

道山者向余云有顧邦英者尤佳今不可見因誦其奇句相

與督部嘆賞

夢麟字父子弗謝山又弗喜堂蒙古人乾隆己丑進士改庶吉
士散館授檢討官至戶部侍郎有大谷山堂集與沈邱惠同
時以詩見推沈以老諸生白首遇主致身卿貳年登期願夢
以十七官翰林二十三官國子師二十四躋八座三十一而
終何福命何懸也今兩家詩具在一以人勝一以天勝沈嘗
謂其樂府胚胎漢人五言含咀選體即降格亦近王韋七言
馳驟豪宕宗太白沈鬱頓挫宗少陵離奇瑰偉宗昌黎近體
亦不肯落大厯以下初刻為夢喜堂詩又德石昇乙覽南行
入吳諸集為大谷山堂集皆門下士某書一仿鍾紹京以

一仿杏吐海書槧之精在 本朝新城王文簡澤州陳文貞
私集外罕有倫比

寅保字東賓一字芝圃漢軍人乾隆戊辰進士改庶吉士散館
授編修改內務府郎中官杭州織造有秀鍾堂詩鈔東賓承
嫡寄老人庭訓詩禮彬；少年粹然有儒者風後出理權使
閩務風雅主持不墮先業詩清婉流利淺瀨低巖泉幽石潔
可愛也

圖鑑布字裕軒滿洲人乾隆戊辰進士改庶吉士散館授檢討
累官翰林院侍講學士有枝巢詩草裕軒不求工於詩願其

胸次

素潔遇境發抒往來有真意其尤近道可傳者晚年歸田一
集高者逼陶韋次亦北宋音別文正公謂其不忽於微不愆
於隱儒者之幹也所居室隅有地十餘畝曰漫園惟種桑麻
及菰韭或勸其蒔花樹曰桑麻資生花樹悅目安能以悅目
之故而墮資生之地哉詩四卷分從獵靜居于役歸田諸集
自叙謂抒寫性情不蹈假借勸懲粉飾雕鏤之習蓋得心之
言也

博卿顯字虛宥滿洲人乾隆戊辰進士累官奉天府尹詩藻務
風流興高采烈僅得其督學川蜀作

福明安字欽文一字在亭蒙古人乾隆戊辰進士改庶吉士散館改主事累官翰林院侍講學士持重老成人以鐵牛呼之因以自署其篤實如此辛丑典山右試稱得人近於何雙溪前輩齋中見其手錄遺稿雙溪即學士所得士

那霖字雨蒼滿洲人乾隆庚午舉人官戶部郎中有嘯月堂集而蒼翠孝廉年已四十外豪氣未除猶能於廣座中揎袖揮毫文不加點取材漢魏而不遺元明殆多師以為師者遠徵博引摘蔕含淳抒寫性靈時或見絃

德隆字野溪滿洲人乾隆庚午舉人累官貴州糧儲道觀察為

吾師定園翁伯弟惘憫磊落詩如其人雖取徑宋元入山谷
道園之室

劉淳字虛白漢軍人乾隆庚午武舉官冠軍使有燕市杖藜吟
賽都子工書善詩克世其家長篇大章洋洋灑灑得蘇長公
遺意解組後以詩酒自豪旁及書畫對客揮灑旁若無人晚
年入道謂神仙可立改卒以窮苦病死亦可哀矣

金魁字斗南號樛齋滿洲人乾隆辛未進士改庶吉士散館授
檢討累官。咸安戶部侍郎終侍講學士有乘槎集奉使冊
封琉球所作內以八景十景詩瓜疇芋區珠璣地志陋習餘

多傑作

穆丹字荔惟自號晚拙居士滿洲人乾隆辛未進士改庶吉士
散館改主事累官四川嘉定知府有西南于役草荔惟當西
川用兵時以知府隨阿文成公籌運糧儲稱能可歷山水奇
險兵旅倥傯一寄之于詩人謂其好整以韻五律格調渾成頗具
氣骨

秦廷璽字復山號石公漢軍人乾隆壬申舉人官杭州知府有
山曉堂詩集石公刻意工部始嫌痕跡晚年斯有容與中流
任情延攬之致古體未免跟踉五七律俱能入格

景福字仰亭一字介之滿洲人乾隆壬申進士改庶吉散館授
編修累官兵部侍郎伯長者詩特風雅韶秀由其筆妙也
散佚雖多碎玉零金精光自不可掩

博明字希哲一字西齋滿洲人乾隆壬申進士改庶吉士散館
授編修累官雲南巡西道降兵部員外郎有西齋詩輯遺記
誦絕人生平所閱歷山川人物以及一言一動隔數十年纖
縷不遺於朝廷掌故世家大譜系尤能口授指畫條分目晰
真一代行秘書也詩援筆立就渾脫流轉中動合繩墨惜縑
素零散古剝墻壁間尚有存者余採詩話載其壬午典試粵

東詠古四詩畧見一斑而已

賈虞龍字雲臣漢軍人乾隆癸酉舉人有謙益堂集負才不遇
家又酷貧身後與兒遺文零落共集輯轉索之娶婦之手什
襲宛然并黃塵空自序云自癸酉迄辛巳共得詩三百首有
奇扶恙瘳不休動履命平頭持扇驅蠅日書三十首以自課
凡十餘日而畢蓋未幾即卒此其全帙也

阿肅字敬之一字雨齋滿洲人乾隆甲戌進士改庶吉士散館授
檢討累官吏部侍郎降光祿寺少卿遷稿石可得僅見其贈
人故扇及所書方冊數首率少時作清曠中不乏警策語

于宗瑛字英玉號紫亭漢軍人乾隆甲戌進士改庶吉士散館授檢討改監察御史有來鶴堂詩鈔七言歌行頗肖溫李餘體亦結語生新間有墮入公安派者亦文人好奇之過令子鼇國官徐州府亦好以詩世其家

慶王字兩峯滿洲人乾隆丙子舉人官布政使有錦繡段詩集兩峯為望山相公第三子作詩意致超遠氣體冲和其抒寫性靈正與似村相似紆餘之中更復卓犖兩峯有獨玉者曷覺羅成桂字雪田乾隆丙子舉人有讀易山房詩雪田徐文長唐六如一流人生長太平貴胄子弟乃風流放誕與山人墨

客齊聯合軌天寶為之歎抑雪田胸中析槎芒角弗克按抑
耶詩隨作隨軟零篇斯由人多誦之工書尤善狂草

孫需字涵齋漢軍人乾隆丙子舉人有亦嘯集亦步集適晉車
中草涵齋有書癖承先人餘蔭不克享豐厚詩多寄興之篇
其瀟灑處正自未可磨滅

富森泰字東岳一字秋浦滿洲人乾隆丁丑進士改庶吉士散
館授檢討有坦園初稿二稿焚餘草檢討天性敏捷詩文動
輒千言不假思索而清雄雅健直堪驅逐古人手稿盡燬於
火所存者特吉光片羽耳子鳳仲梧世其家學詩尤橫肆長

於五古

那穆齊禮字理庭一字立亭滿洲人乾隆丁丑進士改庶吉士
散館改主事累官詹事為詹事府御子弱冠游泮以詩雄同
游房山諸作為齊次風陳句山諸前輩推服惜遺稿不可得
見矣

此段原據
入是書希
裁酌

廣順字照若號秀峯蒙古人乾隆庚辰舉人官織染局司庫先
司庫在官時飄然有出世想移家玉泉山下每駕一小舟從
老隸二棕鞋桐帽往來湖山烟雨中見者以為張子同陸魯
望一輩人故其詩淡遠幽秀似韋柳集中語通禪悟一夕宿

萬壽山五百羅漢堂之旁舍夜起燃炬書壁成偈語五百章
超妙不可思議

萬貴字撫棠號補堂蒙古人乾隆辛巳進士改庶吉士授編修
累官內閣學士有郵囊存畧學士屢掌文衡八旗俊彥多出
門下嘗與余談詩示余手稿一冊錢香樹尚書所丹鉛者秀
潤中具蒼古之致未暇借鈔學士謝世子孫相繼沒此冊遂
不可得惜哉

郭潔字漱泉漢軍人乾隆辛巳進士改庶吉士散館授編修休
致迎 鑒授曉騎校有一枝軒偶集大父世隆曾任湖廣制

軍書法顏平原世爭寶之激泉世其家學少有才名生平無
疾孝遽色以清皆和平安雅

朱耆純字子穎號海愚漢軍人乾隆壬午舉人累官兩淮鹽運
使有海愚詩鈔劉大櫟之言曰子穎奇男子也其胸中浩浩
焉常有擔荷一世之心文辭率直非其所措意而其為詩古
文乃修高出昔賢之上按子純少以萬山青到馬蹄前得名
福增格字贊侯一字益菴滿洲人官侍郎有酌雅齋詩集益菴
祖相國伊桑阿父制府伊都立俱以勲業顯益菴又為怡師
儀賓館散秩大臣可謂耆冑矣顧歛然自下喜交納詞客文

蓀斐然雖天性淡泊亦攻錯之力居多詩清矯軼羣不愧作者

託庸字師健別號瞻園湖州人累官尚書有瞻園詩鈔尚書教
應中外四十餘年老成持重有古大臣風性喜為詩期于達
意而止未嘗過加修飾瞻園為徐中山別業常與賓客僚佐
觴咏其間因以自號南人又謂之瞿園

張浚字西潭漢軍人累官湖南驛傳鹽法道有買桐杉集歐陽
正煥序云自國主藝鼎名花嘉卉興夫幽巖邃壑游歷登臨
及人事之紛綸物情之環贖皆一一得其清微淡遠之概而

古氣磅礴又時溢于波瀾跌宕之間陳浩序云宦轅周遊輅
軒所至覽其山川風物紀勝探奇發為詩歌典雅宏麗自非
經生所能及

李永標字純九漢軍人官安徽分巡道有寄素堂詩草上卷
善湖閩時自輯下卷列在官于役之詩皆近體古詩寥寥
一二章而已

國柱字天峯滿洲人官總兵天峯與石民學士同名國棟與石
民兄同名皆能詩出處大畧又相類甚奇天峯詩多塞上作
詞意蒼涼邁往雅興題稱固不必拘：步伐而建輪為槽自

成一隊聞其居臺日頗興文教不徒有宣衛之勤則亦非屑屑以詩為事者而詩竟可傳

兆勲字佑辰一字牧亭又號牧牛子滿洲人有牧牛子詩錄不堪持贈吟常自評其詩云余詩如寒蟬吟衰柳其聲澀而悽又如青草池蛙分明聒噪而夕陽雨後却是步他不得其不堪持贈吟自跋半窓冰雪殘牖將歸老境寂寥輕肥念切偶作一二短章不過湖邊茅屋下消遣不淨妄心學植荒陋不敢謬擬韓子而夢中撫掌者那得有孟郊其人耶果如釋氏有再生之說定補償今生不讀書公案

彭振翺字鳳遠一字培山漢軍人有萃蘋詩鈔培山登高望遠
觸緒感懷每以詩寄其慨喟故臨眺之興居多

白衣保字命之一字鶴亭滿洲人耽詩好遊與兆勳傳雲滿山
友與戴亨國棟國柱為詩友西山名刹皆有手蹟晚官荊州
借江山以資筆墨詩近體為工七言與丁卯相埒五言駸
乎有偏師搆長城之勢非時輩所及

薩哈布字楷亭滿洲人鄭鴈鵠曲江春草詩意境不深而字
熨貼便覺如許清新咏物詩固不必拘牽本題致多糾葛楷
亭新月一絕半調與鄭鴈鵠相似

書山宮秋岑滿洲人官倉場侍郎秋岑承松如先生家學以擢
管勞牋為性分中事故靖共之暇鐵盞土埵伊唔不絕雖抒
詞命意不能出元季範圍而心氣和平自足鼓吹休明笙簫
藝苑

傅雯字凱亭滿洲人官號騎校凱亭雖不以詩名而偶一著筆
便覺欽奇磊落昂藏之槩時流露于咳噓之間與鄭板橋交
最密風致可想凱亭工指頭畫所作三十二應真像藏法源
寺中神氣飛動後有撫者皆弗克肖尤精於畫龍虎題畫詩
往有奇句品極高不為威惕利疚山僧寒士屢索畫不厭

富翁胡紳片紙為難常以求畫不遂忤執事太監蒙 恩恕

其疎狂免其在畫苑供奉尤自矜重不輕為強有力者畫

勒世馨字素亭滿洲人官主事有亦樂堂詩集孩提時昂解韻
語面具竹馬皆著題咏幾於無日無詩第出手太易諸體多
未入格擇其清雅者錄存數首

英凱字鐵舟滿洲人出處不可攷老兵一章其或自傷落拓耶
哀笳吹月月不明邊聞情狀都于七字中繪出

李方勉字遜修漢軍人官廣東 道有懷立堂詩集遜修卓

於吏治其為詩也耳濡目染清琅可誦書禮之家人物必儀

容修整有以導之先者耳

李方勤字鼎修一字補之自號用拙逸人漢軍人官戶部主事
有李村集滋蘭堂詩集洗石山房詩集用拙為樸靜觀察子
而受教於其季父薦青山人嘗謂人口詩寧拙毋巧寧清毋
濁寧苦毋甜寧大毋小此用拙之為詩也亦即凡為詩者之
筌蹄乎余常見薦青手為點定詩草真有奪胎換骨伎倆故
其所作可接曉東

黃頤字石咸一字雅林漢軍人諸生姿性敏妙有出塵之致與
傅凱亭友善凱亭作畫雅林多為綴其尾見者稱雙絕云

甘運源字道淵別稱十三山外史漢軍人高忠果公裔與弟運
瀚俱邃於詩時有二陳二甘之目運瀚早世道淵晚年窮愁
著書學尤精述書通篆隸八分畫兼麓堂涵齋之長尤喜鑄
刻小刻得秦漢人遺意七十後就職廣東巡檢遂卒於官遺
集甚富為人取去竟不得見是編披羅襪務諸遺稿道淵之

力居多

甘運瀚字子瞻漢軍人有舞蕉軒稿子瞻為嘯崖弟嘯崖謂其古體
情致纏綿音節響亮有必傳于後之作七言近體沿七子習
氣要亦時露雋思非阿好也使天假之年其成就尚不止是

惜哉

汪松字蒼巖漢軍人官佐領有早開詩集與劉海峯為詩文友
境地極相似五古蕭疎清遠得韋柳之遺五律清冷孤峭尤
見標格如冰結吟髯白山迎冷眼青苔添兒女累貧使故交
踈太甲誠堪放周公豈易為空蒙達儉歲老屋恐愁霖亂泉
穿馬足飛旆出雲頭等句皆為戴通乾陳石閭所極推許而
海峯手定之卒今竟不傳

善聰字眉濱滿洲人乾隆丙戌進士改庶吉士散館改主事官
吏部員外郎深純博雅與弟善達有二雅之目官詞林未克

展其才遷戶曹又未獲宣其蘊落拓以致造物實有以靳之
嗣子玉寧詩文世其家今侍讀樞祕撰政部議者謂厚德之
報

福保字嘉申稱景堂漢軍人乾隆丙戌進士改庶吉士散館授
編修累官奉天府府尹景堂家中落官諫垣時日繕官書計
數受值侍以舉炊也一夕大雪就余論詩有送窮篇識見超
卓筆亦健舉余因知景堂必不因老也既而出官奉天吟詠
遂少景堂歿其子先一月歿無孫回憶寒窗絮語恍在石火
光中景堂佳句甚多今無從講求為之慨然

明新字竹巖漢軍人乾隆戊子舉人官鹽場大使竹巖髫齡隨
父方伯公官江南與諸名士游作詩指授有法第涉獵之功
多浸淫之趣少耳隨園極稱之一時白下文譙竹巖分韻拈
毫殆無虛日尤長于言情寄內云料得深閨應有夢計程先
我到遼西細字含情臨洛浦新詩掩卷愛周南俱秀雅可謂
其他如秋夜白疎竹篩月影空瓦落秋聲夜坐有懷白月未
上時星燦爛花常開盡菊芳多病怕逢新令節早寒初著
舊綿衣見陳穀所見集詩話

德瑞字樹菴漢軍人乾隆戊子舉人官同知有於菴云何齋集

樹菴令商邱有善政邑民多尸祝之情才好士為儕輩所嗟
梅詩集得之飲人黃心菴

恒裕字惺夫一字益亭滿洲人乾隆庚寅舉人官中允有墨鄉
堂稿中允書法上追晉唐人以宋元人擬之則佛然不悅詩
著墨不多頗有遠致中允固以為餘事也嘗手輯北海詩碑
千字仿周典嗣編次成文勒石行世通岐黃多所存法更喜
占卜之學言事奇中自註六壬若干卷多元解惜未傳愛硯
有山高月小者端溪上品今歸冶亭漕帥

王棟字筠圃漢軍人乾隆庚寅舉人官知縣有讀易樓詩鈔大

令告余云嘗捧檄至某取勾當公事避兩宿古刹後大樓五
間且圯壞矣門戶封識寺衲云明初番僧所寄經卷十櫃有
人欲開視必仆跌大令強集僕役數十人撞鐘擊鼓祛翳掃
塵十櫃宛然啓視皆宋元人藏書多人間未見本檢閱徹夜
外間已有知其事者上官各遣僚佐來討大令弗予於各櫃
中取二三卷去問其所取何書祕不告人大令亡其書散寄
京城各寺中數百年後不知又為何人發之

國敏字時泉滿洲人乾隆壬辰進士改庶吉士散館授檢討累
官內閣學士余嘗謂自龍門歷敘所游後之論文者多於縱覽屢求

得力江山之勝足以拓人心胸文境愈增恢奇時泉先生簡
於為詩祭告岳瀆歌述幾遍九烟作詩遂多獨以樸實制勝
旋沒於泰安有相傳其為神者伉直之槩猶得于詩見之

瑞保字執桓一字芝軒滿洲人乾隆乙未進士改庶吉士散館
授檢討累官內閣學士與余同充翰林院辦事官同以公事
赴漂陽晝則並壘夜則聯床後以校書官同筆視于文淵閣六
閱月間以詩律商確學士深以余為能學士賦性沈摯不妄
交偶誦其所作欽然不自足其誠萬如此段後詩多散軼為
余題溪橋詩思圖一章則其阻雨瀛洲亭時所作也是日同

作者為汪如藻德昌許兆崇今皆下世吁可慨也夫

明華宮鐵岩漢軍人明新弟兆隆庚子舉人性髡髻不羈年四十而亡有落花句云薄命誰憐傾國色受風偏是最高枝贈友云空腸得酒生芒角交友四人判淺深咏古鏡句云乍訝青天墮明月不知滿地生秋霜秦淮水榭句云柳深不覺漁舟過水近先看月影臨咏萬壽菊句云人間歲月忙中短離下光陰淡裏長

王保字德符一字閻峯滿洲人乾隆辛丑進士改庶吉士散館授檢討累官吏部左侍郎閻峯外和中峻不輕許可人亦未

嘗忤於人其色溫：其氣矯：與予交或數月一接或數日
一接弗見其有私喜怒詩成每先示商榷即時改竄常教弟
其稿其虛懷又如此溫潤和平之音誦散休明天不永其年
固不能不永其詩也

明瑞字筠亭滿洲人襲封公累官尚書死難緬甸謚忠烈有北
窓吟稿以世家勲貴建功殊域捐軀蠻徼大節凜然偶有寄
託往復纏綿深合風人旨趣名由如雨中過石門云自憐馬
上鞿客獨立溪邊問渡船元夜歸省云陌上晚烟飛素練
渡頭殘雪踏銀沙送弟瑤圃使烏斯藏云寒分百戰袍渴共

一刀血

明仁字素人滿洲人駐藏都統贈一等伯傳清子襲一等子官
侍衛為忠烈弟殉節軍中詩天機瀟灑純乎性情

福康安字璫林滿洲人大學士公傳恒子累官大學士封一等
公晉封貝子贈郡王謚文襄公忠愍世韜畧傳家平堂灣清
西藏所在有功身後專祠崇祀列爵諸王人臣遇主之際
於斯為極道詩八首得之王蘭泉司寇

奎林字璫圖滿洲人襲公爵累官尚書提督有幽棲堂吟稿將
軍以武勇稱聞其遇敵矢貫肩手自拔鏃猶能殺賊衛陣神

色不動詩乃情深致遠絕不類其為人殆詩書氣與忠義心有相為表裏者與

毓奇字鍾山一字竹溪潯洲人官至漕運總督有靜怡軒詩集河漕政績懋著身後淮人立祠祀之刻吳香亭所撰遺傳其感人之深如此詩特其餘事耳

李涇德字遐源漢軍人官叅領有栖碧山房詩文稿紅亭詩存暨年工詩生平以不克入著作之堂為歎音趣殊異職司之暇一花一石必有品題儵然往來於佛堂燈火間敲韻吮毫見者詫為方外道人撰述繁夥良金雜沙礫以埋可惜也余

為淘汰存之知星芒劍氣不可終掩

慶蘭字似村潯洲人大學士尹繼善子小有山房詩鈔約春
園詩鈔似村閣閣當得官乃以秀才終老天性恬淡乃爾耽
詩嗜靜種竹樹二畝葺瓦屋四五楹藏書萬卷終日閉戶
不接俗客詩較楊誠齋濶大范石湖深至殆能驅使性靈而
不為性靈所使者

定寧字芸圃潯洲人官筆帖式芸圃向未知其能詩養疴山寺
偕僧衲談元遂多清妙語刪其蕪雜翹楚自在

和理字子堅一字振菴潯洲人喜靜耽閑茗枕香壺左右自隨

蘇中道或云金谷江
休寧人官如物詩云
多見今朝連海亭
通達詩教昔情好

漏得^其天趣詩克肖其人

永福字用五滿洲人累官臺灣道有可齋詩草性惆悵詩筆清
脆瀏亮尤工摹神故小詩多逸調

朱賓字修文一字芳野漢軍人詩鮮經籍之腴而饒性靈之趣
觸興懷都成妙諦分席詞壇傾心大雅有以也夫

景福字介亭漢軍人即事一詩有筆快風霆之勢

德克精額字雲谿滿洲人官甘肅按察使有樂餘堂詩稿專講
格調於明之李何有嗜痂之癖其五者頗具衣冠珠玉梗槩
景文字考修一字虛舟蒙古人襲伯爵官冠軍使有抱筠亭集

虛舟為大學士位彌泰次子襲五等封廉俸可入悉供座客臂
賤蓄醖之費風趣可想某贈以聯云天上兩丸關日月人間
一箇散神仙曲肖其人詩有別趣

懷謙字地山滿洲人官刑部郎中有兩間草堂詩賸攻舉子業
不售以他途歷郎曹姦諂尚氣節有能聲為古文成公器奎
子庶善菴終戊巳同聯捷一禮部款改一選入翰林人以為
其氣少伸

德進字修菴一字椿亭漢軍人與秋浦太史啖岩居士酬唱喜
集唐句為小詩極工穩其自運頗不耐

德永安字樹之湖州人官中書侍郎清高多有可誦者年廿餘
殂謝

那達納字伯言姓李氏漢軍人諸生屢試不第襲三等男受詩
學於甘運源詣力頗邃弟光緒編其詩四卷為惠最堂詩

伊嵩阿字峻齋滿洲人官員外郎有念修堂詩草峻齋周慎敏
重年未三十遽歿其配郎宜人掇拾遺稿付梓宜人亦能詩
殉節死詩載附編

張祖潤字澤之一字雨田漢軍人有茂荆堂存稿聰穎之士下
筆尤忌率意恃才墮入小說家數終身痼疾茂荆堂詩有晚

筆尤忌率意恃才墮入小說家數終身痼疾茂荆堂詩有晚

唐疎秀而纖俗不免學詩者不可不思所流弊也

蔡琬字季玉漢軍人綏遠將軍毓榮女高文良其倬繼妻 封
一品夫人有蘊真軒詩鈔夫人才識過人好讀書撫琴尤工
詩律與文良公分韻詩成多有點定公視為一字師集為族
孫永名鏤板藏於家不使外人見以故罕傳於世余官祭酒
肄業生高堦者持全稿見貽因得瀏覽各體法度井然七律
尤渾灝流轉氣象崢嶸視空同大復覺真詣獨存闕其博極
羣書兼通政治文良公之奏疏文檄每與商定公撫蘇與總
督某不合屢為所傾而公卓然孤立咏白燕第五句云有毛

何曾相假借沈思未對適夫人至代姑筆曰不羣仍恐太分
明蓋親之也

養易齋女史宗室女朱亮室 封一品夫人有養易齋詩集夫
人平居好覽經史悅禪通釋典不甚樂為詩偶有可作輒焚
棄罕有存者歿後其子嵩山峒山搜得殘編零墨梓之以傳

世云

蘭軒女史宗室女武功大夫嵩山室 封一品夫人有栢翠山
房詩稿夫人性閑雅好讀詩書夫有事下獄舉宅驚恐夫人
從容作烈婦詩寄獄中見志且許以死越日夫免死遣戍夫

人事姑考聞於族黨夫遇教歸歡聚如初雅興琴書教導子
女詩本性真落：有丈夫氣不可以巾幗自之

余性淳字靜昭有蘭馨集吳興陸師作序云與令子瓚同官稱
其有鍾郝之型崔盧之教是不僅簪花照筆以風雅為能者
矣

兆佳氏滿洲人有西園詩氏幼喜讀書嫻女訓蕪工吟咏長適
納蘭氏未幾而寡家貧課子如嚴師詩多愁苦之音每當落
花殘月淒風苦雨時拈毫吮墨短歌長吟其清操苦節令讀
者想見焉

端靜閒人氏韓漢軍人庫掌和順室 贈淑人有帶綠草堂詩

集先淑人通經史工韻語頗有所作祕不示人投稿古鐸中
值朔望輒引火焚化且曰水流花放跡象冥存月白風清光
景斯生聞者以為見道悟心性和平出語清婉近體五言如
家貧秋覺早樹缺月宜多焚香忘拜佛看畫勝游山讀書合
深夜喫藥及中年燈窗書味永雪冷粥香遲病樹無憐墮空
塘有鷺飛雪緊鴉栖樹風高犬吠門棗紅高樹日竹綠破籬
霜茭荷香抱屋楊柳綠隨溪池風吹草濕春月入簾虛桃花
紅抱郭松葉綠圍山秋在蕙葭外詩成凡兩時七言如酒店

春風牛背穩板橋新雨馬蹄香習字最宜新雨後看花多及
晚風前馬齒菜香秋雨地雞冠花豔晚霞天庭草綠殘閒蝶
蛺蝶水花紅賸見蜻蜓豆館雨晴蝴蝶開藕塘風過鷺鷥閒睡
早不知花放晚心閒但覺蝶飛忙慚少吟詩思作佛不多栽
樹為看山皆可傳惜全篇不記憶矣

高景芳漢軍人世襲一等侯張宗仁室有紅雪軒集以小賦為
第一詩餘次之詩列五古七古屬辭比事得凡人之旨近體
詠物之詩太多即俊語屬見大半有句無章然昔人評趙文
俶盡無中惘氣若景芳之詩其亦卓然自立者與

翠年滿洲人有實情詩草詩寫性情不加雕琢其題邵飛三詩
卷一首詩品所謂不着一字儘得風流者也

呂坤德字靜齋漢軍人有襄平女子詩靜齋詩未見全稿茲於
選本中錄七律二首清詞嚴白飄然有出塵之想凄然有避
之思蓋亦有所託以見志云

希光滿洲人員外郎伊嵩阿室殉節 賜旌烈婦夫病割股以
療不驗矢死從女弱無依勉守志茹荼十年女嫁次日賦七
言律二章見志自縊死翁吏部尚書永貴錄其詩奏 高宗
憫之賜旌焉詩多凄婉其烈婦詞一篇為大學士舒赫德子

婦棟鄂氏作益亦自傷同志也

汪氏漢軍人知縣顧邦英室能詩

于潔御史子宗瑛女四品宗室魁明室年二十而寡能詩稿無存

戊戌以前集八旗詩話編入刪舊及見錄內今已
名屬採增數百家尚未集齊俟有八旗女仕
一並採入